

理

隋書二十四

通鑑

監修國史趙國公長孫無忌等撰

第十九

食貨

王者量地以制邑度地以居人揔土地所生料山澤之利武遵行令敬授人時農商趨向各本事業書籍懋遷有無言穀貨流通咸得其所者也周官太府掌九貢九賦之法王之經用各有等差所謂取之以道用之有節故能養百官之政勛戰士之功救天災服

方外活國安人之大經也爰自軒項至于堯舜皆因其所利而勸之因其所欲而化之不奪其時不窮其力輕其征薄其賦此五帝三皇不易之教也古語曰善為人者愛其力而成其財若使之不以道斂之如不及財盡則怨方盡則叛昔禹制九等而康歌興周人十一而頌聲作於是東周遷洛諸侯不軌魯宣初稅畝鄭產為兵賦先王之制靡有子遺秦氏起自西戎力正天下驅之以刑罰奪之以仁恩以太半之收長城絕於地脉以頭會之斂屯戍窮於嶺外漢高祖

承秦凋弊十五稅一中元繼武府廩彌殷世宗得之用成雄侈開邊擊胡肅然咸整宮宇捫於天漢巡遊跨於海表旱歲除道凶年甞秣戶口以之減半盜賊以之公行於是譎詭賦稅異端俱起賦及童齒筭至舡車光武中興聿遵前事成賦單薄足稱經遠靈帝開鴻都之榜通賣官之路公卿州郡各有等差漢之常科土貢方物帝又遣先輸中署名為導行天下賄成人受其弊自魏晉二十一帝宋齊十有五主雖用度有衆寡租賦有重輕大抵不能傾人產業道關政

亂隋文帝既平江表天下大同躬先儉約以事府帑
開皇十七年戶口滋盛中外倉庫無不盈積所有資
給不踰經費京司帑屋既充積於廊廡之下高祖遂
停此年正賦以賜黎元煬皇嗣守鴻基國家殷富雅
愛宏翫肆情方騁初造東都窮諸巨麗帝昔居藩翰
親平江左兼以梁陳曲折以就規摹曾雉踰芒浮橋
跨洛金門象闕咸竦飛觀頽巖塞川構成雲綺移嶺
樹以爲林數包芒山以爲苑園長城御河不計於人力
運驢武馬指期於百姓天下死於役而家傷於財既

而一討渾庭三駕遼澤天子親伐師兵大舉飛糧
輓秣水陸交至疆場之所敗傾勞弊之所殂殞雖復
大半不歸而每年興發比屋良家之子多赴於邊
陪分離哭泣之聲連響於州縣老弱耕稼不足以
救饑餒婦工紡績不足以贍資裝九區之內焉和歲
動從行宮掖常十萬人所有供須皆仰州縣租賦之
外一切徵斂趣以周備不顧元元吏因割剥益其大半
遐方珍膳必登庖厨翔禽毛羽用爲玩飾買以供
官千倍其價人愁不堪離棄室宇長吏叩扉而

達曙猛犬迎吠而終夕自燕趙跨於齊韓江淮
入於襄鄧東周洛邑之地西秦隴山之右僭偽
交侵盜賊充斥宮觀鞠爲茂草鄉亭絕其煙火
人相啖食十而四五關中癘疫火旱傷稼代王開
永豐之粟以賑飢人去倉數百里老幼雲集吏在
貪殘官無攸次咸次其錢貨動移旬月頓卧墟野欲
返不能死人如積不可勝計雖復王皇撫運天祿
有終而隋氏之亡亦由於此馬遷爲平準書班固
述食貨志上下數千載損益粗舉自此史官曾無

概見夫厥初生人食貨爲本聖王割廬井以業之
通貨財以富之富而教之仁義以之興貧而爲盜刑
罰不能止故爲食貨志用編前書之末云

晉自中原喪亂元帝寓居江左百姓之自拔南奔者
並謂之僑人皆取舊壤之名僑立郡縣徃徃散居無有
土著而江南之俗火耕水耨土地卑濕無有蓄積之資諸
蠻陴俚洞窟沐王化者各隨輕重收其賤物以裨國用又
嶺外酋帥因生口翡翠明珠犀象之饒雄於鄉曲者朝
廷多因而畧之以收其利歷宋齊梁陳皆因而不改其

軍國所須雜物隨土所出臨時折課市取乃無恒法定令
列州郡縣制其任土所出以爲徵賦其無貢之人不樂州
縣編戶者謂之浮浪人樂輸亦無定數任量准所輸終
優於正課焉都下人多爲諸王公貴人左右佃客典計衣
食客之類皆無課役官品第一第二佃客無過四十戶第三
品三十五戶第四品三十戶第五品二十五戶第六品二十
戶第七品十五戶第八品十戶第九品五戶其佃穀皆與
大家量分其典計官品第一第二置三人第三第四置二
人第五第六及公府參軍殿中監監軍長史司司

馬部曲督關外戍材官議郎已上一人皆通在佃客
數中官品第六已上并得衣食客三人第七第八二
人第九品及舉輦跡禽前驅由其強弩司馬羽林郎
殿中冗從武賁殿中武賁持戟武騎武賁持鉞冗
從武賁命中武賁武騎一人客皆注家籍其課丁男
調布絹各三丈絲三兩綿八兩祿絹八尺祿綿三兩
二分租米五石祿米二石丁女並半之男女年十六
已上至六十爲丁男年十六亦半課年十八正課六
十六免課女以嫁者爲孀若在室者年二十乃爲孀

其男子每歲役不過二十日又率十八人出一運丁
役之其田畝稅米二斗蓋大率如此其度量斗則三
斗當今一斗稱則三兩當今一兩尺則一尺二寸當
今一尺其倉京都有龍首倉即石頭津倉也臺城內
倉南塘倉常平倉東西大倉東宮倉所貯摠不過五
十餘萬在外有豫章倉鈞磯倉錢塘倉並是太貯備
之處自餘諸州郡臺傳亦各有倉大抵自庾景之亂
國用常編京官文武月別唯得廩食多遙帶一郡縣
官而取其祿秩焉揚徐等大州比令僕班寧桂等小

州比參軍班丹揚吳郡會稽等郡同太子詹事尚書
班高涼晉康等小郡三班而已大縣六班小縣兩轉
方至一班品第既殊不可妄載州郡縣祿米絹布絲
綿當處輸臺傳倉庫若給刺史守令等先准其所部
文武人物多少由敕而裁凡如此祿秩既通所部兵
士給之其家所得蓋少諸王出閣就第婚冠所
須及衣裳服飾并酒米魚鮓香油紙燭等並官給之
主及主婿外祿者不給解任還京仍亦公給云
魏自永安之後政道陵夷寇亂實繁農商失業官有

征伐皆權調於人猶不足以相資奉乃令所在迭相
糾發百姓愁怨無復聊生尋而六鎮擾亂相率內徙
寓食於齊晉之郊齊神武因之以成大業魏武西遷
連年戰爭河洛之間又並空竭天平元年遷都於鄴
出粟一百三十萬石以振貧人是時六坊之衆從武
帝而西者不能萬人餘皆北徙並給常廩春秋二時
賜帛以供衣服之費常調之外逐豐稔之處折絹糴
粟以充國儲於諸州緣河津濟皆官倉貯積以擬漕
運於滄瀛幽青四州之境傍海置鹽官以煮鹽每歲

收錢軍國之資得以周贍自是之後倉廩充實雖有
水旱凶饑之處皆仰開倉以振之元象興和之中頻二
歲大穰穀斛至九錢是時法網寬弛百姓多離舊居
闕於徭賦神武乃命孫騰高隆之分括無籍之戶得
六十餘萬於是僑居者各勒還本屬是後租調之入
有加焉及文襄嗣業侯景背叛河南之地困於兵革
尋而侯景亂梁乃命行臺辛術略有淮南之地其新
附州郡羈縻輕稅而已及文宣受禪多所創革六坊
之內徙者更加簡練每一人必當百人任其臨陣必

死然後取之謂之百保鮮卑又簡華人之勇力絕倫者謂之勇士以備邊要始立九等之戶富者稅其錢貧者後其力北興長城之役南有金陵之戰其後南征諸將頻歲陷沒士馬死者以數十萬計重以脩創臺殿所役甚廣而帝刑罰酷濫吏道因而成姦豪黨兼并戶口益多隱漏舊制未娶者輸半牀租調陽程一郡戶至數萬籍多無妻有司劾之帝以爲生事由是姦欺尤甚戶口租調十二六七是時用度轉廣賜與無節府藏之積不足以供乃減百官之祿撤軍人

常庶併省州郡縣鎮戍之職又制刺史守宰行兼者並不給幹以節國之費用焉天保八年議徙冀定瀛無田之人謂之樂遷於幽州范陽寬鄉以處之百姓驚擾屬以頻歲不熟米糶踊貴矣廢帝乾明中尚書左丞蘇瓌芝議脩石龍等屯歲收數萬石自是淮南軍防糧廩充足孝昭皇建中平州刺史嵇暉建議開幽州督亢舊陂長城左右營屯歲收稻粟數十萬石北境得以周贍又於河內置懷義等屯以給河南之費自是稍止轉輸之勞至河清三年定令乃命人居

十家爲比鄰五十家爲閭里百家爲族黨男子十八
以上六十五已下爲丁十六已上十七已下爲中六
十六已上爲老十五已下爲小率以十八受田輸租
調二十充兵六十免力役六十六退田免租調京城
四面諸坊之外三十里內爲公田受公田者三縣代
遷戶執事官一品已下逮千羽林武賁各有差其外
畿郡華人官第一品已下羽林武賁已上各有差職
事及百姓請墾田者名爲永田奴婢受田者親王止
三百人嗣王止二百人第二品嗣王已下及庶姓王

止二百五十人正三品已上及皇宗止二百人七品已上
限止八十人八品已下至庶人限止六十人奴婢限外不
給田者皆不輸其方百里外及州人一夫受露田八
十畝婦四十畝奴婢依良人限數與在京百官
同丁牛頭受田六十畝限止四年又每丁給永業
二十畝爲桑田其中種桑五十根榆三根棗五根
不在還受之限非此田者悉入還受之分至不宜桑
者給麻田如桑田法率人一牀調絹一疋綿八兩凡十
斤綿中折一斤作絲墾租二石義租五斗奴婢各

准良人之半牛調二尺墾租一斗義租五升墾租送
臺義租納郡以備水旱墾租皆依貧富爲三梟其
賦稅常調則少者直出上戶中者及中戶多者及下戶
上梟輸遠處中梟輸次遠下梟輸當州倉二年一
校焉租入臺者五百里內輸粟五百里外輸米入州鎮
者輸粟人欲輸錢者准上絹收錢諸州郡皆別置富人
倉初立之日准所領中下戶口數得支一年之糧逐當
州穀價賤時斟酌量割當年義租充入穀貴下價糶
之賤則還用所糶之物依價糶貯每歲春月各依鄉

土早晚課入農桑自春及秋男二十五已上皆有田畝
桑蚕之月婦女十五已上皆營蚕桑孟冬刺史聽審
邦教之優劣定殿最之科品人有人力無牛或有牛
無力者須令相便比皆得納種使地無遺利人無遊手
焉緣邊城守之地堪肯食者皆營屯田置都使子使
以統之二子使當田五十頃歲終考其所入以論褒貶
是時頻歲大水州郡多遇沉溺穀價騰踊朝廷遣
使開倉從貴價以糶之而百姓無益饑饉尤甚重以
疾疫相乘死者十四五焉至大統中又毀東宮造脩文

偃武隆基嬪嬙諸院起代瑁樓又於遊豫園穿池周以列館中起三山構臺以象滄海并大修佛寺勞後鉅萬計財用不給乃減朝士之祿斷諸曹糧膳及九州軍人常賜以供之武平之後權幸並進賜與無限加之旱蝗國用轉屈乃料境內六等富人調令出錢而給事黃門侍郎顏之推奏請立關市邸店之稅開府鄧長顙贊成之後主大悅於是以其所入之供御府聲色之費軍國之用不豫焉未幾而亡

後周太祖作相創制六官載師掌任土之法辨夫家田里之數會六畜車乘之稽審賦役斂弛之節制畿疆脩廣之域頒施惠之要審牧產之政司均掌田里之政令凡人口十已上宅五畝口九已上宅四畝口五已下宅三畝有室者田百四十畝丁者田百畝司賦掌功賦之政令凡人自十八以至六十有四頃輕瘠者皆賦之其賦之法有室者歲不過絹一疋綿八兩粟五斛丁者半之其非桑土有室者布一疋麻十斤丁者又半之豐年則全賦中年半之下年一之皆

以時徵焉若艱凶札則不徵其賦司役掌力役之政
令凡人自十八以至五十有九皆任於役曲其年不過
三旬中年則一旬下年則一旬凡起徒役無過家一人
其人有年八十者一子不從役百年者家不從役廢
疾非人不養者一人不從役若凶札又無力征掌鹽掌
四鹽之政令一曰散鹽煮海以成之二曰監鹽引池以
化之三曰形鹽物地以出之四曰飴鹽於戎以取之凡
鹽鹽形鹽每地爲之禁百姓取之皆稅焉司倉掌辨九
穀之物以量國用國用足即蓄其餘以待凶荒不足則
止餘用足則以粟貸人春頒之秋斂之

閔帝元年初除市門稅及宣帝即位復興入市之稅
武帝保定元年改八丁兵爲十二丁兵率歲一月役
建德二年改軍士爲侍官募百姓充之除其縣籍是
後夏人半爲兵矣宣帝時發山東諸州增一月功爲
四十五日役以起洛陽宮并移相州六府於洛陽稱
東京六府

武帝保定二年正月初於蒲州開河渠同州開龍首
渠以廣漑灌高祖登庸罷東京之役除入市之稅是

時尉迴三謙司馬消難相次叛逆興師誅討賞費鉅
萬及受禪又遷都發山東丁毀造宮室仍依周制役丁
爲十二番匠則六番及頒新令制人五家爲保保有
長保五爲閭閻四爲族皆有正畿外置里正比閭正
黨長比族正以相檢察焉男女三歲已下爲黃十歲
已下爲小十七已下爲中十八已上爲丁丁從課役六
十爲老乃免自諸王已下至于都督皆給永業田各有
差多者至一百頃少者至四十畝其丁男中男永業
露田皆遵後齊之制並課樹以桑榆及棗其園宅率三

口給一畝奴婢則五口給一畝丁男一牀租粟三石
桑土調以絹純麻土以布絹純以疋加綿三兩布以
端加麻三斤單于及僕隸各半之未受地者皆不課
有品爵及孝子順孫義夫節婦並免課役京官又給
職分田一品者給田五頃每品以五十畝爲差至五
品則爲田三頃六品二頃五十畝其下每品以五十
畝爲差至九品爲一頃外官亦各有職分田又給公
廩田以供公用

開皇三年正月帝入新宮初令軍人以二十一成丁

減十二番每歲爲二十日後減調絹一疋爲一丈先
是尚依周末之弊官置酒坊收利鹽池鹽井皆禁百
姓採用至是罷酒坊通鹽池鹽井與百姓共之遠近
大悅是時突厥犯塞吐谷渾寇邊軍旅數起轉輸勞
弊帝乃令朔州摠管趙仲卿於長城以北大興屯田
以實塞下又於河西勒百姓立堡營田積穀京師置
常平監是時山東尚承齊俗機巧姦僞避役惰遊者
十六七四方疲人或詐老詐小規免租賦高祖令州縣
大索貌閱戶口不實者正長遠配而又開相糾之科

大功已下兼令析籍各爲戶頭以防容隱於是計帳
進四十四萬二千丁新附一百六十四萬二千五百口
高頴又以人間課輸雖有定分年常徵納除注恒多
長吏肆情文帳出沒復無定簿難以推校乃爲輸籍
定樣請徧下諸州每年正月五日縣令巡人各隨便
近五黨三黨共爲一團依樣定戶上下帝從之自是
姦無所容矣時百姓承平日久雖數遭水旱而戶口
歲增諸州調物每歲河南自潼關河北自蒲坂達于
京師相屬於路晝夜不絕者數月帝旣躬履儉約六

宮咸服澣濯之衣乘輿供御有故弊者隨令補用皆不改作非享燕之事所食不過一肉而已有司嘗進乾薑以布袋貯之帝用為傷費大加譴責後進香復以檀袋因答所司以為後誠焉由是內外率職府帑充實百官祿賜及賞功臣皆出於豐厚焉九年陳平帝親御朱雀門勞凱旋師因行慶賞自門外夾道列牛帛之積達于南郭以次頒給所費二百餘萬段帝以江表初定給復十年自餘諸州並免當年租賦十年五月又以宇內無事益寬徭賦百姓年五十者輸

庸停防十一年江南又反越國公楊素討平之師還賜物甚廣其餘出師命賞亦莫不優隆十二年有司上言庫藏皆滿帝曰朕既薄賦於人又大經賜用何得爾也對曰用處常出納處常入略計每年賜用至數百萬段曾無減損於是乃更闢左藏之院構屋以受之下詔曰既富而教方知廉恥寧積於人無藏府庫河北河東今年由租三分減一兵減半功調全免時天下戶口歲增京輔及三河地少而人衆衣食不給議者咸欲徙就寬鄉其年冬帝命諸州考使

議之又令尚書以其事策問四方貢士竟無長策帝
乃發使四出均天下之田其狹鄉每丁纔至二十畝
老小又少焉十三年帝命楊素出於岐州北造仁壽
宮素遂夷山堙谷營構觀宇崇臺累榭宛轉相屬役
使嚴急丁夫多死疲弊顛仆者推填坑坎覆以土石
因而築爲平地死者以萬數宮成帝行幸焉時方暑
月而死人相次於道素乃一切就除之帝頗知其事
甚不悅及入新宮遊觀乃喜又謂素爲忠後帝以歲
暮晚日登仁壽殿周望原隰見宮外燐火彌漫又聞
哭聲令左右觀之報曰鬼火帝曰此等工役而死旣
屬年暮魂魄思歸耶乃令灑酒宣赦以呪遣之自
是乃息

開皇三年朝廷以京師倉廩尚虛議爲水旱之備於
是詔於蒲陝魏熊伊洛鄭懷邵衛汴許汝等水次十
三州置募運米丁又於衛州置黎陽倉洛州置河陽
倉陝州置常平倉華州置廣通倉轉相灌注漕關東
及汾晉之粟以給京師又遣倉部侍郎韋瓚向蒲陝
以東募人能於洛陽運米四十石經砥柱之險達于

常平者免其征戍其後以渭水多沙流有深淺漕者
苦之四年詔曰京邑所居五方輻湊重關四塞水陸
艱難大河之流波瀾東注百川海濱萬里交通雖三
門之下或有危慮但發自小平陸運至陝還從河水
入於渭川兼及上流控引汾晉舟車來去為益殊廣
而渭川水力大小無常流淺沙深即成阻闔計其途
路數百而已動移氣序不能往復汎舟之役人亦勞
止朕君臨區寓興利除害公私之弊情實愍之故東
發潼關西引渭水因藉人力開通漕渠且量事計功易

可成就已令工匠巡歷渠道觀地理之宜審畝終久之
義一得開鑿萬代無疆可使官及私家方舟巨舫晨
昏漕運必泝不停旬日之功堪必億萬誠知時當炎
暑動輒疲勩然不有暫勞安能永逸宣告人庶知朕
意焉於是命宇文愷率水工鑿渠引渭水自大興城
東至漕關三百餘里名曰廣通渠轉運通利關內賴
之濟州水旱凶飢之處亦便開倉振給五年五月工
部尚書襄陽縣公長孫平奏曰古者三年耕而餘一
年之積九年作而有三年之儲雖水旱無災而人無

菜色皆由勸導有方蓄積先備故也去年亢陽關內
不熟陛下哀愍黎元甚於赤子運山東之粟置常平
之官開發倉廩普加振賜少食之人莫不豐足鴻恩
大德前古未比其強宗富室家道有餘者皆競出私
財遞相賙贍此乃風行草偃從化而然但經國之理
須存定式於是奏令諸州百姓及軍人勸課當社共
立義倉收穫之日隨其所得勸課出粟及麥於當社
造倉窖貯之即委社司執帳檢校每年收穫勿使損敗
若時或不熟當社有飢饉者即以此穀振給自是諸州

儲峙委積其後關中連年大旱而青兗汴許曹亳陳
仁誰豫鄭洛伊潁郟等州大水百姓飢饉高祖乃命
蘇威等分道開倉振給又命司農丞王彥發廣通之
粟三百餘萬石以拯關中又發故城中周代雀目粟賤
糶與人買牛驢六千餘頭分給尤貧者令往關東就食
其遭水旱之州皆免其年租賦十四年關中大旱人饑
上幸洛陽因令百姓就食從官並准見口振給不以官
位為限明年東巡狩因祠泰山是時義倉貯在人間
多有費損十五年二月

詔曰本置義倉止防水旱百姓之徒不思久計輕爾
費損於後之絕又北境諸州異於餘處雲夏長靈鹽
蘭豐且鄯涼甘瓜等州所有義倉雜種並納本州若人有
旱儉少糧先給雜種及遠年粟十六年正月又詔秦豐
成康武文芳岩旭洮岷渭紀河廓幽隴涇寧原敷丹延
綏銀扶等州社倉並於當縣安置二月又詔社倉准上
中下三等稅上戶不過一石中戶不過七斗下戶不過
四斗其後山東頻年霖雨杞宋陳亳曹戴譙潁等諸州
達于滄海皆困水災所在沉溺十八年天子遣使將水

工巡行州源相視高下發隨近丁以疏導之困之者
開倉振給前後用穀五百餘石遭水之處租調皆免
自是頻有年矣

何國

開皇八年五月高熲奏諸州無課調處及課州管戶
數少者官人祿力乘前已來恒出隨近之州但判官
本爲牧人役力理出所部請於所管戶內計戶徵稅
帝從之先是京官及諸州並給公廩錢廻易生利以
給公用至十四年六月工部尚書安平郡公蘇孝慈
等以爲所在官司因循往昔以公廩錢物出舉興生唯

利是求煩擾百姓貶損風俗莫斯之甚於是奏皆給地
以營農廻易取利一皆禁止十七年十一月詔在京及
在外諸司公廨在市廻易及諸處興生並聽之唯禁
出舉收利云

煬帝即位是時戶口益多倉庫盈溢乃除婦人及奴婢
部曲之課男子以二十丁始建東都以尚書令楊
素為營作大監每月役丁二百萬人徙洛州郭內人及
天下諸州富商大賈數萬家以實之新置興洛及廻洛
倉又於阜澗營顯仁宮苑園連接北至新安南及飛山

至澗池周圍數百里課天下諸州各呈草木花果
禽異獸於其中開渠引穀洛水自苑西入而東注
于洛又自板渚引河達于淮海謂之御河河畔築柳
道樹以柳又命黃門侍郎王弘上儀同於士澄往江
南諸州採大木引至東都所經州縣遞送往返首尾
相屬不絕者千里而東都役使促迫僮仆而斃者十
四五焉每月載死丁東至城皇北至開陽軍相望於
道時帝將事遼陽增置軍府掃地為兵自是租賦之
入益減矣又造龍舟鳳舸黃龍赤龍樓船蔑舫募諸

水工謂之殿脚衣錦行滕執青絲纜挽船以幸江都
帝御龍舟文武官五品已上給樓船九品已上給黃
篋舫舳艫相接二百餘里所經州縣並令供頓獻食
豐辦者加官賞闕之者譴至死又成器脩車輿輦輅旌
旗羽儀之飾課天下州縣凡骨角齒牙皮革毛羽可
飾器用堪爲斃耗者皆責其徵發倉卒朝命多辦百
姓求捕網罟徧野水陸禽獸殆盡猶不能給而買於
豪富畧畜積之家其價騰踊是歲翟雉尾一直十鍊白鷺
鮮半之乃使屯田主事常駿使赤土國致羅刹又使朝

請大夫張鎮州擊流求俘虜數萬士卒深入蒙犯瘴
癘饑疾而死者十八九又以西域多諸寶物令裴矩
往張掖監諸商胡互市啖之以利勸令入朝自是西
域諸蕃往來相繼所經州郡疲於送迎糜費以萬萬
計明年帝北巡狩又興衆百萬北築長城西距榆林
東至紫河縣亘千餘里死者太半四年發河北諸郡
百餘萬衆引沁水南達于河北通涿郡自是以丁男
不供始以婦人從役五年西巡河右西域諸胡佩金
玉被錦罽焚香奏樂迎候道左帝乃令武威張掖士

女盛飾縱觀衣服車馬不鮮者州縣督課以誇示之
其年帝親征吐谷渾破之於赤水慕容佛允委其家
屬西奔青海帝駐兵不出遇天霖雨經大斗拔谷士
卒死者十二三焉馬驢十八九於是置河源郡積石
鎮又於西域之地置西海鄯善且末等郡謫天下罪
人配爲戍卒大開屯田發西方諸郡運糧以給之道
里懸遠兼遇寇抄死相續六年將征高麗有司奏
兵馬已多損耗詔又課天下富人量其資產出錢市
武馬填元數限令取足復點兵具器仗皆令精新濫

兵則使人便所於是馬匹至十萬七年冬大會涿郡
分江淮南兵配驍衛大將軍來護兒別以舟師濟滄
海舳舻數百里並載軍糧期與大兵會平壤是歲山
東河南大水漂沒四十餘郡重以遼東覆敗死者數
十萬因屬疫疾山東尤甚所在皆以徵斂供帳軍旅
所資爲務百姓雖困而弗之恤也每急徭卒賦有所
徵求長吏必先賤買之然後宣下乃貴賣與人日暮
之間價爲數倍價刻徵斂取辦一時彊者聚而爲盜
弱者自賣爲奴婢九年詔又課關中富人計其資產

出驢往伊吾河源口末運糧多者至數百頭每頭價至萬餘又發諸州丁分爲四番於遼西柳城營屯往來艱苦生業盡罄盜賊四起道路南絕隴右牧馬盡爲奴賊所掠揚玄感乘虛爲亂時帝在遼東聞之遽歸于高陽郡及玄感平帝謂侍臣曰玄感一呼而從者如市益知天下人不欲多多則爲賊不盡誅後無以示勸乃令裴蘊窮其黨與詔郡縣坑殺之死者不可勝數所在驚駭舉天下之人十分九爲盜賊皆盜武馬始作長槍攻陷城邑帝又命郡縣置警捕以討賊

益遣募人征遼馬少不充八馱而許爲六馱又不足聽半以驢充在路逃者相繼執獲皆斬之而莫能止帝不憚遇高麗執送叛臣斛斯政遣使求降發詔赦之囚政至于京師於開遠門外磔而射殺之遂幸太原爲突厥圍於鴈門突厥尋散遽還洛陽募益驍果以充舊數是時百姓廢業屯集城堡無以自給然所在倉庫猶大充物吏皆懼法莫肯振救由是益困初皆剥樹皮以食之漸及於葉皮葉皆盡乃煮土或擣葉爲末而食之其後人乃相食十二年帝幸江都是

時李密據洛口倉聚衆百萬越王侗與段達等守東
都東都城內糧盡布帛山積乃以絹為汲綆然布以囊
代王瑋與衛玄守京師百姓飢饉亦不能救義師入長
安發求豐登以振之百姓方蘇息矣

晉自過江凡貨賣奴婢馬牛田宅有文券率錢一萬
輸估四百入官賣者二百買者一百無文券者隨物
所堪亦百分收四名為散估歷宋齊梁陳如此以為常
以人競商販不為田業故使均輸欲為懲勵雖以此為
辭其實利在侵削又都西有石頭津東有方山津各置

津主一人賊曹一人直水五人以檢察禁物及亡叛
者其荻炭魚薪之類小津者並十分稅一以入官其
東路無禁貨故方山津檢察其簡淮水北有大市百
餘小市十餘所大市備置官司稅斂既重時甚苦之
梁初唯京師及三吳荆郢江湘梁益用錢其餘州郡
則雜以穀帛交易交曠之域全以金銀為貨武帝乃
鑄錢肉好周郭文曰五銖重如其文而又別鑄除其
肉郭謂之女錢二品並行百姓或私以古錢交易有
直百五銖五銖女錢太平百錢定平一百五銖雉錢

五銖對文等號輕重不一天子頻下詔書非新鑄二種之錢並不許用而趣利之徒私用轉甚至並普通中乃議盡罷銅錢更鑄鐵錢人以鐵賤易得並皆私鑄及大同已後所在鐵錢遂如丘山物價騰貴交易者以車載錢不復計數而唯論貫商旅姦詐因之以求利自破嶺以東八十為百名曰東錢江郢已上七十為百名曰西錢京師以九十為百名曰長錢中大同元年天子乃詔通用足陌詔下而人不從錢陌益少至于末年遂以三十五為百云

陳初承梁喪亂之後鐵錢不行於梁末又有兩柱錢及鵝眼錢于時人雜用其價同但兩柱重而鵝眼輕私家多鑄錢又間以錫鐵兼以粟帛為貨至文帝天嘉五年改鑄五銖初出一當鵝眼之十宣帝大建十一年又鑄大貨六銖以一當五銖之十與五銖並行後還當一人皆不便乃相與訛言曰六銖錢有不利縣官之象未幾而帝崩遂廢六銖而行五銖竟至陳亡其嶺南諸州多以鹽米布交易俱不用錢云齊神武霸政之初承魏猶用永安五銖遷鄴已後百

姓私鑄體制漸別遂各以爲名有雍州青赤梁州生
厚緊錢吉錢河陽生薄天柱赤牽之稱冀州之北錢
皆不行交貿者皆以布神武帝乃收境內之銅及
錢仍依舊文更鑄流之四境未幾之間漸復細薄姦
僞競起文宣受禪除承寧之錢改鑄常平五銖重如
其文其錢甚貴且制造甚精至乾明皇建之間往往
私鑄鄴中用錢有赤熟青熟細眉赤生之異河南所
用有青薄鉛錫之別青齊徐兗梁豫州輩類各殊武
平已後私鑄轉甚或以生鐵和銅至于齊亡卒不能

禁後周之初尚用魏錢及武帝保定元年七月乃更
鑄布泉之錢以一當五與五銖並行時梁益之境
又雜用古錢交易河西諸郡或用西域金銀之錢而
官不禁建德三年六月更鑄五行大布錢以一當十
大收商估之利與布泉錢並行四年七月又以邊境
之上人多盜鑄乃禁五行大布不得出入四關布泉
之錢聽入而不聽出五年正月以布泉漸賤而人不用
遂廢之初令私鑄者絞從者遠配爲戶齊平已後山
東之人猶雜用齊氏舊錢至宣帝大象元年十一月

又鑄永通萬國錢以一當十與五行大布及五銖凡
三品並用高祖既受周禪以天下錢貨輕重不等乃
更鑄新錢背面肉好皆有周郭文曰五銖而重如其
文每錢一千重四斤二兩是時錢既新出百姓或私
有鎔鑄三年四月詔四面諸關各付百錢為樣從關
人來勘樣相似然後得過樣不同者即壞以為銅入官
詔行新錢已後前代舊錢有五行大布永通萬國及
齊聖年所在用以貿易不止四年詔仍依舊不禁者
縣令奪半年祿然百姓習用既久尚猶不絕五年正月

詔又嚴其制自是錢貨始一所在流布百姓便之是
時見用之錢皆須和以錫鑄錫鑄既賤求利者多私
鑄之錢不可禁約其年詔乃禁出錫鑄之處並不得
私有採取十年詔晉王廣聽於揚州立五鑄鑄錢其
後姦狡稍漸磨鑄錢郭取銅私鑄又雜以錫錢遞相
效錢遂輕薄乃下惡錢之禁京師及諸州邸肆之
上皆令立榜置樣為准不中樣者不入於市十八年
漢王諒聽於并州立五鑄鑄錢是時江南人間錢
少晉王廣又聽於鄂州白紵山有銅鉶處錮銅鑄錢

於是詔聽置十鑪鑄錢又... 蜀王秀聽於益州立五
鑪鑄錢是時錢益... 惡乃令有司括天下邸肆見錢
悉官鑄者皆毀之其銅入官而京師以惡錢貿易為
吏所執有死者數年之間私鑄頗息大業已後王綱
繩奈巨數大猾遂多私鑄錢轉薄惡初每千猶重二
斤後漸輕至一斤或剪鐵鏃皮糊紙以為錢相雜
用之貨賤物貴以至於土

隋書第二十四卷

志第十九

食貨

隋書第二十五卷

監修國史趙國公長孫無忌等撰

志第二十

刑法

夫刑者制死生之命詳善惡之源翦亂誅暴禁人為
非者也聖王仰視法星旁觀習坎彌縫五氣取則四
時莫不先春風以播恩後秋霜而動憲是以宣慈惠
愛導其萌牙刑罰威怒隨其肅殺仁恩以為情性禮
義以為綱紀養化以為本明刑以為助上有道刑之

而無刑上無道殺之而不勝也記曰教之以德齊之
以禮則人有格心教之以政齊之以刑則人有遜心
而始乎勸善終乎禁暴以此字人必兼刑罰至於時
逢交泰政稱忠厚美化與車軌攸同至仁與嘉祥間
出歲布平典年垂簡憲昭然如日月望之者不迷曠
乎如大路行之者不惑刑者甲兵焉鈇鉞焉刀鋸鑽
鑿鞭扑撻楚陳平原野而肆諸市朝其所由來亦已
久矣若夫龍官之歲鳳紀之前結繩而不違不令而
人畏五帝畫象殊其衣服三王肉刑刻其膚體若重

華之胥災肆赦文命之刑罰三千而都君卹刑尚奉
唐堯之德高密泣罪猶懷虞舜之心殷因以降去德
滋遠若紂能遵成湯不造炮烙設刑兼禮守位依
仁則西伯斂轡化爲田叟周王立三刺以不濫弘二
宥以開物成康以四十二年之間刑厝不用薰風潛
暢頌聲遐舉越裳重譯萬里來歸若乃魯接燕齊荆
鄰鄭晉時之所尚資乎辯舌國之所恃不在威刑是
以纒鼓夷蒐宣尼致誦旣鑄刑辟叔向貽書夫勃澥
之浸沾濡千里列國之政豈周之膏潤者歟奏氏僻

自西戎初平區夏于時投戈棄甲仰恩祈惠乃落嚴
霜於政教揮流電於邦國棄灰偶語生愁怨於前毒
網疑科害肌膚於後玄鉞肆於朝市赭服飄於路衢
將閭有一劔之哀茅焦請列星之數漢高祖初以三
章之約以慰秦人孝文躬親玄默遂踈天網孝宣樞
機周宥公法理詳備選于定國為廷尉黃霸以為廷平
每以季秋之後諸所請讞帝常幸宣室齋居決事明
察平恕號為寬簡光武中興不移其舊是以二漢羣
后罕聞殘酷魏武造易欽之科明皇施減死之令中

原淵滄吳蜀三分哀矜折獄亦所未暇晉氏平吳
九州寧一乃命賈充大明刑憲內以平章百姓外以
和協萬邦寔曰輕平稱爲簡易是以宋齊方駕輶
其餘軌若亦刑隨喜怒道暎正直布憲擬於秋荼設
網踰於朝脛恣興夷翦取快情靈若隋高祖之揮剪
無辜齊文宣之輕刀變割此所謂匹夫私讎非關國
典孔子曰刑亂及諸政政亂及諸身心之所詎則善
惡之本原也彪約所製無刑法篇滅蕭之書又多漏
畧是以撮其遺事以至隋氏附于篇云

梁武帝承齊昏虐之餘刑政多僻既即位乃制權輿
依周漢舊事有罪者贖其科凡在官身犯罰金鞭杖
杖督之罪悉入贖停罰其臺省令史士卒欲贖者聽
之時欲議定律令得齊時舊郎濟陽蔡法度家傳律
學云齊武時刪定郎王植之集注張杜舊律合為一
書凡一千五百二十條事未施行其文殆滅法度能
言之於是以為兼尚書刪定郎使損益植之舊本以
為梁律天監元年八月乃下詔曰律令不一實難去
弊殺傷有法昏墨有刑此蓋常科易為條例至如三

男一妻懸首造獄事非慮內法出扣鈞前王之律

後王之合因

如舊附

以各有若遊辭費句無取於實

錄其宜采

拍歸可適變者載一家為本用

衆家以附四丁俱

則去丁以存丙若丙丁二事

釋不可則一家兼出載咸使百司議其可不取其可安

以為標名宜云某等如干人同議以此為長則定以

為梁律留尚書比部悉使備文若班下州郡止撮機

要可無二門侮法之弊法度又請曰魏晉撰律止闕

數人今若皆諮列位恐緩而無決於是以前尚書令王

亮侍中王瑩尚書僕射沈約吏部尚書范雲長兼侍
中柳惲給事黃門侍郎傅昭通直散騎常侍孔藹御
史中丞樂藹太常丞許懋等參議斷定為二十篇
一曰刑名二曰法例三曰盜劫四曰賊叛五曰詐偽
六曰受賂七曰告劾八曰討捕九曰繫訊十曰斷獄
十一曰雜十二曰戶十三曰擅興十四曰毀亡十五
曰衛宮十六曰水火十七曰倉庫十八曰廐十九曰
關市二十曰違制其制刑為十五等之差棄市已上
為死罪大罪梟其首其次棄市刑二歲已上為耐罪

言各隨技能而任使之也有髡鉗五歲刑答二百收
贖絹男子六十疋又有四歲刑男子四十八疋又有
三歲刑男子三十六疋又有二歲刑男子二十四疋
罰金一兩已上為贖罪贖死者金二斤男子十六疋
贖髡鉗五歲刑答二百者金一斤十二兩男子十四
疋贖四歲刑者金一斤八兩男子十二疋贖三歲刑
者金一斤四兩男子十疋贖二歲刑者金一斤男子
六疋罰金十二兩者男子六疋罰金八兩者四男子
四疋罰金四兩者男子二疋罰金二兩者男子一疋

罰金一兩者男子二丈女子各半之五刑不簡正乎
五罰五罰不服正于五過以贖論故爲此十五等之
差又制九等之差有一歲刑半歲刑百日刑鞭杖二
百鞭杖一百鞭杖五十鞭杖三十鞭杖二十鞭杖一
十又有八等之差一曰免官加杖督一百二曰免官
三曰奪勞百日杖督一百四曰杖督一百五曰杖督
五十六曰杖督三十七曰杖督二十八曰杖督一十
論加者上就次當減者下就次凡繫獄者不即答款
應加測罰不得以人事爲隔若人事犯罰違扞不款

宜測罰者先參議牒啓然後科行斷食三日聽家人
進粥二升女及老小一百五十刻乃與粥滿千刻而
止囚有械扭升械及鉗並立輕重大小之差而爲定
制其鞭有制鞭法鞭常鞭凡三等之差制鞭生革廉
成法鞭生革去廉常鞭熟韌不去廉皆作鶴頭紐長
一尺一寸梢長二尺七寸廣三寸靶長二尺五寸杖
皆用生荆長六尺有大杖法杖小杖三等之差大杖
大頭圍一寸三分小頭圍八分半法杖圍一寸三分
小頭五分小杖圍一寸一分小頭極妙諸督罰大罪

無過五十三小者二十當笞二百以上者笞半餘
半後決中分鞭杖老小於律令當得鞭杖罰者皆
半之其應得法鞭杖者以熟鞞鞭小杖過五十者稍
行之將吏已上及女人應有罰者以罰金代之其以
職負應罰及律令指名制罰者不用此令其問事諸
罰皆用熟鞞鞭小杖其制鞭制杖法鞭杖自非特
詔皆不得用詔鞭杖在京師者皆於雲龍門行女子
懷孕者勿得決罰其謀反降叛大逆已上皆斬父子
同產男無少長皆棄市母妻姊妹及應從坐姦亦市者

妻子女妾同補奚官為奴婢貨財沒官劫身皆斬妻
子捕兵遇赦降死者贍面為劫字髡鉗補治鎖士
終身其下又謫運配材官治士尚方鎖士皆以輕重
差其年數其重者或終身士人有禁錮之科亦以輕
重為差其犯清議則終身不齒耐罪囚八十已上十
歲已下及孕者盲者侏儒當械繫者及郡國太守相
都尉關中侯已上亭侯已上之父母妻子及所生坐
非死罪除名之罪二千石已上非監徵者並頌繫
之丹楊丑月一詣建康縣令三官參其錄獄察斷

在直其尚書當錄人之月者與尚書參共錄之大凡
定罪二千五百二十九條二年四月癸卯法度表
上新律又上令三十卷科三十卷帝乃以法度守廷
尉卿詔班新律於天下三年八月建康女子任提
女坐誘口當死其子景慈對鞠辭云母實行此是時
法官虞僧虬啓稱案子之事親有隱無犯直躬證
父仲尼爲非景慈素無防閑之道死有明目之據陷
親極刑傷和損俗凡乞鞠不審降罪一等豈得避五
歲之刑忽死母之命景慈宜加罪辟詔流于交州至

後有流徒之罪其年十月甲子詔以金作權典
宜在蠲息於是除贖罪之科武帝敦睦九族優借
朝士有犯罪者皆諷羣下屈法申之百姓有罪皆案
之以法其緣坐則老幼不免一人亡逃則舉家質
作人既窮急姦宄益深後帝親謁南郊秣陵老人遮
帝曰陛下爲法急於黎庶緩於權貴非長久之術誠
能反是天下幸甚帝於是思有以寬之舊獄法夫有
罪逮妻子子有罪逮父母十一年正月壬辰乃下詔
曰自今捕適之家及罪應質作若年有老少者可停

將送十四年又除黜面之刑帝銳意儒雅疎簡刑法自公卿大臣咸不以鞠獄留意姦吏招權巧文弄法貨賄成市多致枉濫大率一歲刑已上歲至五千人是時徒居作者具五任其無任者著升械若疾病權解之是後囚徒或有優劇大同中皇太子在春宮視事見而愍之乃上疏曰臣以比時奉敕權親京師雜事切見南北郊壇材官車府太官下省左裝等處上啓並請四五歲已下輕囚助充使役自有刑均罪等條月不異而甲付錢署乙配郊壇錢署三所於辛為

劇郊壇六處在役則優今聽獄官詳其可否舞文之路自此而生公平難遇其人流泉易啓其齒將恐玉科重輕全關墨綬金書去取更由丹筆愚謂宜詳立條制以為永准帝手敕報曰頃年已來處處之役唯資徒謫遂急充配若科制繁細義同簡約切須之處終不可得引例興訟紛紛方始防杜姦巧自是為難更當別思取其便也竟弗之從是時王侯子弟皆長而驕蹇不法武帝年老厭於萬機又專精佛戒每斷重罪則終日弗懌嘗遊南苑臨川王宏伏人於橋

下將欲爲逆事覺有司請誅之帝但泣而讓曰我人
才十倍於爾處此相懷戰懼爾何爲者我豈不能
行周公之事念汝愚故也免所居官頃之還復本職
由是王侯驕橫轉甚或白日殺人於都街劫賊亡命
咸於王家自匿薄暮塵起則剽掠行路謂之打稽武
帝深知其弊而難於誅討十一年十月復開贖罪之
科中大同元年七月甲子詔自今犯罪非大逆父母
祖父母勿坐自是禁網漸踈百姓安之而貴戚之
家不法尤甚矣尋而侯景逆亂及元帝即位懲前政
之寃且帝素苛刻及周師至獄中死囚且數千人
有司請皆釋之以充戰士帝不許並令棒殺之事未
行而城陷敬帝即位刑政適陳矣

陳氏承梁季喪亂刑典踈闊及武帝即位思革其弊
乃下詔曰朕聞唐虞道盛設書象而不犯夏商德衰
雖孥戮其未備洎乎末代綱目滋繁矧屬亂離憲章
遺紊朕始膺寶曆思廣政樞外可搜舉良才刪改科
令羣僚博議務存平簡於是稍求得梁時明法吏令
與尚書刪定郎范泉參定律令又敕尚書僕射沈欽

吏部尚書徐陵兼尚書左丞宗元饒兼尚書左丞賀
朗參知其事制律二十卷令科四十卷採酌前代條
流冗雜綱目雖多博而非要其制唯重清議禁錮之
科若縉紳之族犯虧名教不孝及內亂者發詔弃之
終身不齒先與士人爲婚者許妻家奪之其獲賊帥
及士人惡逆免死付治聽將妻入役不爲年數又存
贖罪之律復父母緣坐之刑自餘篇目條綱輕重簡
繁二用梁法其有賊驗顯然而不款則上測立立測
者以土爲槩高一尺上圓劣容囚兩足立鞭二十笞

三十訖著兩械及粗上槩一上測七刻日再上三七
日上測七日一行鞭凡經杖合二百五十得度不
承者免死其監鞭五歲刑降死一等鎖三重其五歲
刑已下並鎖一重五歲四歲刑若有官准當二年餘
並居作其三歲刑若有官准當二年餘一年贖若
公主過誤罰金其一歲刑有官者贖論一歲刑無官
亦贖論寔庶人准決鞭杖囚並著械徒並著鎖不計
階品死罪將決乘露車著三歲加壺手至市脫手械
及壺手爲當刑於市者夜須明雨須晴晦朔八節六

濟月在張心日並不得行刑廷尉寺為北獄建康縣
為南獄並置正監平又制常以三月待中吏部尚書
尚書三公郎部都令史三公錄寬局令御史中丞侍
御史蘭臺令史親行京師諸獄及治署理察囚徒寬
在文帝性明察留心刑政親覽獄訟督責羣下政號
嚴明是時承寬政之後功臣貴戚有非法帝咸以法
繩之頗號峻刻及宣帝即位優借文武之士崇簡易
之政上下便之其後政令既寬刑法不立又以連年
北伐疲人聚為劫盜矣後主即位信任邪羣下縱

威令不行左右有忤意者動至夷戮百姓怨叛以至
於滅齊神武文襄並由魏相尚用舊法及文宣天保
元年始命羣官刊定魏朝麟趾格是時軍國多事政
刑不一決獄定罪罕依律文相承謂之變法從事滑
河房超為黎陽郡守有趙道德者使以書屬超超不
發書棒殺其使文宣於是令守宰各設棒以誅屬請
之使後都官郎中宋軌奏曰昔曹操懸棒威於亂時
今施之太平未見其可若受使請賊猶致大戮身為

枉法何以加罪於是罷之既而司徒功曹張老上書
稱大齊受命已來律令未改非所以創制垂法革人
視聽於是始命羣官議造齊律積年不成其法獄猶
依魏舊是時刑政尚新吏皆奉法自六年之後帝遂
以功業自矜恣行酷暴昏狂酗營任情喜怒為大鑊
長鋸劉確之屬並陳於庭意有不快則手自屠裂或
命左右彎弓以逞其意時僕射楊遵彥乃令憲司先
定死罪囚置于仗衛之中帝欲殺人則執以應命謂
之供御囚經三日不斃者則免其死帝嘗幸金鳳臺

受佛戒多召死囚編蓬蔭蔭為翅命之飛下謂之放生
隊皆致死帝視以為歡笑時有司折獄又皆酷法訊
囚則用車輻楊杖夾指厭躐又立之燒犁耳上或使
以臂貫燒車缸既不勝其苦皆致誣伏七年豫州檢
使白擿為左丞盧斐所劾乃於獄中誣告斐受金支
宣知其姦罔詔令按之果無其事乃敕八座議立案
劾格負罪不得告人事於是挾姦者良糾乃先加誣
訟以擬當格更不能斷又妄相引大獄動至千人多
移歲月然帝猶委政輔臣楊遵彥彌縫其闕故時議

者竊云主昏於上政清於下孝昭在藩已知其失即位之後將加懲革未幾而崩武成即位思存輕典大寧元年乃下詔曰王者所用唯在賞罰賞貴適理罰在得情然理容進退事涉疑似盟府司勳或有開塞之路三尺律令未窮畫一之道想文王之官人念宣尼之止訟刑賞之宜思獲其所自今諸應賞罰賞疑從重罰疑從輕又以律令不成頻加催督河清三年尚書令趙郡王叡等奏上齊律十二篇一曰名例二曰禁衛三曰婚戶四曰擅興五曰違制六曰詐偽七

曰鬪訟八曰賊盜九曰捕斷十曰毀損十一曰廐牧十二曰雜其定罪九百四十九條又上新令四十卷大抵採魏晉故事其制刑名五一日死重者輟之其次梟首並陳屍三日無市者列於鄉亭顯處其次斬刑殊身首其次絞刑死而不殊凡四等二曰流刑謂論犯可死原情可降鞭笞各一百髡之投于邊裔以爲兵卒未有道里之差其不合遠配者男子長徒女子配舂並六年三曰刑罪即耐罪也有五歲四歲三歲二歲一歲之差凡五等各加鞭一百其五歲者又

加笞八十四歲者六十三歲者四十二歲者二十一
歲者無笞並鎖輸左校而不髡無保者鈗之婦人配
春及掖庭織四曰鞭有一百八十六五十四十之
差凡五等五曰杖有三十二十十之差凡三等大凡
爲十五等當加者上就次當減者下就次贖罪舊以
金皆代以中絹死一百匹流九十二匹刑五歲七十
八匹四歲六十四匹三歲五十二匹二歲三十六匹各
通鞭笞論一歲無笞則通鞭二十四匹鞭杖每十贖
絹一匹至鞭百則絹十匹無絹之鄉皆准絹收錢自

贖笞十以上至死又爲十五等之差當加減次如正
決法合時者謂流內官及爵秩比視老小閹凝并
過失之屬犯罰絹一匹及杖十已上皆名爲罪人盜
及殺人而亡者即懸名注籍甄其一房配驛戶宗室
則不注盜及不入奚官不加害刑自犯流罪已下合
贖者及婦人犯刑已下侏儒篤疾癡殘非犯死罪皆
須繫之罪刑年者鎖無鎖以枷流罪已上加杻械死
罪者折之決流刑鞭笞者鞭其背五十一易執鞭
人鞭稍皆用熟皮削去廉稜鞭瘡長一尺笞者笞屬

而不中鼎人杖長三尺五寸大頭徑二分半小頭徑一分半決二千已下杖者長四尺大頭徑三分小頭徑二分在官犯罪鞭杖十爲一負閑局六負爲一殿平局八負爲一殿繁局一負爲一殿加於殿者復計爲負焉赦則武庫令設金雞及鼓於閭闔門外之石勒集囚於闕前橋擊千聲釋枷鎖焉又列重罪十條一曰反迎二曰大逆三曰叛四曰降五曰惡逆六曰不道七曰不敬八曰不孝九曰不義十曰內亂其凡此十者不在八議論贖之限是後法令明審科

條簡要又敕其詞之王弟常講習之齊人多曉法律益由此也其不可爲定法者刑制權令二卷與之並行後平秦書曰歸彥謀反須有約罪律無正條於是遂有別條權格與律並行大理明法上下比附欲出則附作車議欲入則附從重法女妓更因之舞文出沒至于後主權幸用事有不附之者陰中以法網紀紊亂卒至於亡

周文帝之有關中也霸業初基典章多闕大統元年命有司斟酌今古通變可以益時者爲二十四條之

制奏之七年又下十二條制十年魏帝命尚書蘇綽
摠三十六條更損益爲五卷班於天下其後以河南
趙肅爲廷尉卿撰定法律肅積思累年遂感心疾而
死乃命司憲大夫托拔迪掌之至保定三年三月庚
子乃就謂之大律凡二十五篇一曰刑名二曰法例
三曰祀享四曰朝會五曰婚姻六曰戶禁七曰水火
八曰興繕九曰衛宮十曰市廛十一曰鬪競十二曰
劫盜十三曰賊叛十四曰毀亡十五曰違制十六曰
關津十七曰諸侯十八曰宮既牧十九曰雜犯二十曰

詐僞二十一曰請求二十二曰告言二十三曰逃亡
二十四曰繫訊二十五曰斷獄大凡定罪一千五百
三十七條其制罪一曰杖刑五自十至五十二曰鞭
刑五自六十至于百三曰徒刑五徒一年者鞭六十
笞十徒二年者鞭七十笞二十徒三年者鞭八十笞
三十徒四年者鞭九十笞四十徒五年者鞭一百笞
五十四曰流刑五流備服去皇畿二千五百里者鞭
一百笞六十流要服去皇畿二千里者鞭一百笞七
十流荒服去皇畿二千五百里者鞭一百笞八十流

鎮服去皇畿四千里者鞭一百笞九十流蕃服去皇
畿四千五百里者鞭一百笞一百五曰死刑五一曰
鑿二曰絞三曰斬四曰梟五曰裂五刑之屬各有五
合二十五等不立十惡之目而重惡逆不道大不敬
不孝不義內亂之罪凡惡逆肆之三日盜賊羣攻鄉
邑及入人家者殺之無罪若報讎者告於法而自殺
之不坐經為盜者注其籍唯皇宗則否凡死罪枷而
牽流罪枷而梏徒罪枷鞭罪梏杖罪散以待斷皇族
及有爵者死罪已下鎖之徒已下散之獄成將殺者

書其姓名及其罪於棊而殺之市唯皇族與有爵者
隱獄其贖杖刑五金一兩至五兩贖鞭刑五金六兩
至十兩贖徒刑五年半二兩二年十五兩三年
一斤二兩四年一斤五兩五年一斤八兩贖流刑
一斤十二兩俱役六年不以遠近為差等贖死罪
金二斤鞭者以一百為限加笞者合二百止應加鞭
笞者皆先笞後鞭婦人當笞者聽以贖論徒輸作者
皆任其所能而役使之杖十已上當加者上就次數
滿乃坐當減者死罪流蕃服蕃服已下俱至徒五年

五年以下各以一等為差盜賊及謀反大逆降叛惡
逆罪當流者皆甄一房配為雜戶其為盜賊事發逃
亡者懸名注配若再犯徒二犯鞭者一身永配下役
應贖金者鞭杖十收中絹一疋流徒者依限歲收絹
十二匹死罪者一百匹其贖刑死罪五旬流刑四旬
徒刑三旬鞭刑二旬杖刑一旬限外不輸者歸於法
貧者請而免之大凡定法一千五百三十七條班之
天下其大略滋章條流苛密比於齊法煩而不要又
初除復讎之法犯者以殺論時晉公護將有異志欲

寬政以取人心然闇於知人所委多不稱職既用
法寬弛不足制姦子弟僚屬皆竊弄其權百姓愁
怨控告無所武帝性甚明察自誅讒佞躬覽萬機雖
賞囚無所縱捨用法嚴正中外肅然自魏晉相承死
非其重者妻子皆以補兵魏虜西涼之人沒入名為
隸戶魏武入關隸戶皆在東魏後齊因之仍供廝役
建德六年齊平後帝欲施輕典於新國乃詔凡諸雜
戶悉放為百姓自是無復雜戶其後又以齊之舊俗
未改昏政賊盜姦宄頗乖憲章其年又為刑書要制

以督之其大抵持仗羣盜一匹以上不持仗羣盜五匹以上監臨主掌自盜二十匹以上盜及詐請官物三十四以上正長隱五戶及丁以上及地頃以上皆死自餘依大律由是澆詐頗息焉宣帝性殘忍暴戾自在儲貳惡其叔父齊王憲及王軌字文孝伯等及即位並先誅戮由是內外不安俱懷危懼帝又恐失衆望乃行寬法以取衆心宣政元年八月詔制九條宣下州郡大象元年又下詔曰高祖所立刑書要制用法深重其一切除之然帝荒淫日甚惡聞其過誅

殺無度疎斥大臣又數行肆赦為姦者皆輕犯刑法政令不一下無適從於是又廣刑書要制而更峻其法謂之刑經聖制宿衛之官一日不直罪至削除徙亡者皆死而家口籍沒上書字誤者科其罪鞭杖皆百二十為度名曰天杖其後又加至二百四十又作礮礮車以威婦人其決人罪云與杖者即一百二十多打者即二百四十帝既酣飲過度嘗中飲有下士楊文祐白宮伯長孫覽求歌曰朝亦醉暮亦醉日日恒常醉政事日無次鄭譯奏之帝怒命賜杖二百四十而致

死後更令中士皇甫猛歌猛歌又諷諫鄭譯又以奏
之又賜猛杖一百二十是時下自公卿內及妃后咸
加捶楚上下愁怨及帝不豫而內外各求苟免

隋高祖爲相又行寬大之典刪略舊律作開書要制
既成奏之靜帝下詔頒行諸有犯罪未科決者並依

制處斷

高祖既受周禪開皇元年乃詔尚書左僕射勃海公
高熲上柱國沛公鄭譯上柱國清河郡公楊素大理
前少卿平源縣公常明刑部侍郎保城縣公韓滂比

部侍郎李謨兼左功侍郎柳雄亮等更定新律奏上
之其刑名有五一日死刑二有絞有斬二曰流刑三
有一千里千五百里二千里應配者一千里居作二
年一千五百里居作二年半二千里居作三年應住
居作者三流俱役三年近流加杖一百一等加三十
三曰徒刑五有一年一年半二年二年半三年四曰
杖刑五自五十至于百五曰笞刑五自十至于五十
而蠲除前代鞭刑及梟首轆裂之法其法徒之罪
皆減從輕唯大逆謀反叛者父子兄弟皆斬家口沒

官又置十惡之條多採後齊之制而頗有損益一曰謀反二曰謀大逆三曰謀叛四曰惡逆五曰不道六曰大不敬七曰不孝八曰不睦九曰不義十曰內亂犯十惡及故殺人獄成者雖會赦猶除名其在八議之科及官品第七已上犯罪皆例減一等其品第九已上犯者聽贖應贖者皆以銅代絹贖銅一斤爲一負負十爲毀咎早者銅一斤加至杖百則十斤徒一年贖銅二十斤每等則加銅十斤三年則六十斤矣流一千里贖銅八十斤每等則加銅十斤二千里則

百斤矣二死皆贖銅百二十斤犯私罪以官當徒者五品已上一官當徒二年九品已上一官當徒一年當流者三流周比徒三年若犯公罪者徒各加一年當流者各加一等其累徒過九年者流二千里定訖詔頒之曰帝王作法沿革不同取適於時故有損益夫絞以致斃斬則殊刑除惡之體於斯已極梟首輟身義無所取不益懲肅之理徒表安忍之懷鞭之爲用殘剥膚體徹骨侵肌酷均鬻切雖云遠古之武事乖仁者之刑梟輟及鞭並令去也貴礪帶之書

不當徒罰廣軒冕之蔭旁及諸親流役六年改爲
五載刑徒五歲變從三祀其餘以輕代重化死爲
生條目甚多備於簡策宜班諸海內爲時軌範雜
格嚴科並宜除削先施法令欲人無犯之心國有常
刑誅而不怒之義措而不用庶或非遠萬方百辟知
吾此懷自前代相承有司訊考皆以法外或有有用大
棒束杖車輻鞵底厭蹠杖枕之屬楚毒備至多所
誣伏雖文致於法而每有枉濫莫能自理至是盡除
苛慘之法訊囚不得過二百枷杖大小咸爲之程品

行杖者不得易人帝又以律令初行人未知禁故
犯法者衆又下吏承苛政之後務鍛鍊以致人罪乃
詔申敕四方敦理辭訟有枉屈縣不理者令以次經
郡及州省仍不理乃詣闕申訴有所未愜聽搢登聞
鼓有司錄狀奏之帝又每季親錄囚徒常以秋分之
前省閱諸州申奏罪狀三年因覽刑部奏斷獄數猶
至萬條以爲律尚嚴密故人多陷罪又敕蘇威牛弘
等更定新律除死罪八十一條流罪一百五十四條
徒杖等千餘條定留唯五百條凡十二卷一百名例

二曰衛禁三曰職制四曰戶婚五曰廩庫六曰擅興
七曰賊盜八曰鬪訟九曰詐僞十曰雜律十一曰捕
亡十二曰斷獄自是刑網簡要疎而不失於是置律
博士弟子貞斷決大獄皆先牒明法定其罪名然後
條斷五年侍官暴卒大遠糾都督田元冒請義倉事
實而始平縣律生輔因舞文陷天遠遂更反坐帝聞
之乃下詔曰人命之重懸在律文刊定科條俾令易
曉分官命職恒選循吏小大之獄理無疑舛而因襲
往代別置律官報判之人推其爲首殺生之柄常委

小人刑罰所以未清感以福所以妄作爲政之失莫大
於斯其大理律博士尚書刑部曹明法州縣律生並
可停廢自是諸曹決事于皆令具寫律文斷之六年敕
諸州長史已下行參軍已上並令習律集京之日試
其通不又詔免尉迥王謙司馬消難三道逆人家口
之配沒者悉官酬贖使爲編戶因除學戮相坐之法
又命諸州囚有處死不得馳驛行決高祖性猜忌素
不悅學旣任智而獲大位因以文法自矜明察臨下
恒令左右覘視內外有小過失則加以重罪又惠令

史贓汗因私使人以錢帛遺之得犯立斬每於殿廷打
人一日之中或至數四嘗怒問事揮楚不甚即命斬之
十年尚書左僕射高頴治書侍御史柳彧等諫以爲
朝堂非殺人之所殿庭非決罰之地帝不納頴等乃
盡詣朝堂請罪曰陛下子育群生務在去弊而百姓
無知犯者不息致陛下決罰過嚴皆臣等不能有所
裨益請自退屏以避賢路帝於是顧謂領左右都督
田元曰吾杖重乎元曰重帝問其狀元舉手曰陛下
杖大如指捶楚人三十者比常杖數百故多致死帝

憚乃令殿內去杖欲有決罰各付所由後楚州行
參軍李君才上言帝寵高頴過甚上大怒命杖之而
殿內無杖遂以馬鞭笞殺之自是殿內復置杖未幾
怒甚又於殿庭殺人兵部侍郎馮基固諫帝不從竟
於殿庭行決帝亦尋悔宣慰馮基而怒羣僚之不諫
者十二年帝以用律者多致踏駭罪同論異訪諸州
死罪不得便決悉移大理案覆事盡然後上省奏裁
十三斗改徒及流並爲配防十五年制死罪者三奏
而後決十六年有司奏合川倉粟少七千石命斛律

孝卿鞫問其事以爲主典所竊復令孝卿馳驛斬之
沒其家爲奴婢鬻粟以填之是後盜邊糧者一升已
上皆死家口沒官上又以典吏久居其職肆情爲姦
諸州縣佐史三年一代經任者不得重居之十七年
詔又以所在官人不相敬憚多自寬縱事難克舉諸
有殿失雖備科條或據律乃輕論情則重不即決罪
無以懲肅其諸司屬官若有愆犯聽於律外斟酌決
杖若是上下相驅迭行捶楚以殘暴爲幹能以守法
爲懦弱是時帝意每尚慘急而姦回不止京市白月

公行掣盜人間強盜亦往往而有帝患之問羣臣斷
禁之法楊素等未及言帝曰朕知之矣詔有能糾告
者沒賊家產業以賞糾人時月之間內外寧息其後
無賴之徒候富人子弟出路者而故遺物於其前偶
拾取則擒以送官而取其賞大抵被陷者甚衆帝知
之乃命盜一錢已上皆棄市行旅皆晏起晚宿天下
慄慄焉此後又定制行署取一錢已上聞見不告言
者坐至死自此四人共盜一椶桶三人同竊一瓜事
發即時行決有數人劫執事而謂之曰吾豈求財者

邪但爲枉人來耳而爲我奏至尊自古以來體國立
法未有盜一錢而死也而不爲我以聞吾更來而屬
無類矣帝聞之爲停盜取一錢棄市之法帝嘗發怒
六月捧殺人大理少卿趙綽固爭曰季夏之月天地成
三衣庶類不可以此時誅殺帝報曰六月雖曰生長此
時必有雷霆天道旣於炎陽之時震其威怒我則天
而行有何不可遂殺之大理掌固來曠上封事言大理
官司恩寬帝以曠爲忠直遣每旦於五品行中參見
曠又告少卿趙綽濫免徒囚帝使信臣推驗初無阿

曲帝又怒曠命斬之綽因固爭以爲曠不合死帝乃
拂衣入閣綽又矯言臣更不理曠自有他事未及奏
聞帝命引入閣綽再拜請曰臣有死罪三臣爲大理
少卿不能制馭掌固使曠觸挂天刑死罪一也囚不
合死而臣不能死爭死罪二也臣本無他事而妄言
求入死罪三也帝解顏會獻皇后在坐帝賜綽一金
盃酒飲訖并以盃賜之曠因免死配徒廣州帝以年
齡晚暮尤崇尚佛道又素信鬼神二十年詔沙門道
士壞佛像天尊百姓壞岳瀆神像皆以惡逆論帝猜

忘一朝臣察用法尤峻御史監帥於元正日不劾武
官衣劔之不齊者或以白帝帝謂之曰爾爲御史何
縱捨自由命殺之諫議大夫毛思祖諫又殺之左領
軍府長史考校不平將作寺丞以諫麥頽遲晚武庫
令以署庭荒蕪獨孤師以受蕃客鸚鵡帝察知並親
臨斬決仁壽中用法益峻帝既喜怒不恒不復依準
科律時楊素正被委任素又稟性高下公卿股慄不
敢指言素於鴻臚少卿陳延不平經蕃客館庭中有
馬屎又燕僕糞上糝蒲旋以白帝帝大怒曰主客令不

灑掃庭內掌固以私戲汙敗官糞罪狀何以加此皆
於西市棒殺而榜捶陳延殆至於斃大理寺丞楊遠
劉子通等性愛深文每隨牙奏獄能承順帝旨帝大
悅並遣於殿庭三品行中供奉每有詔獄專使主之
愜帝所不快則案以重抵無殊罪而死者不可勝原
遠人能附楊素每於塗中接候而以囚名白之皆隨
素所爲輕重其臨終赴市者莫不塗中呼枉仰天而
哭越公素侮弄朝權帝亦不之能悉煬帝即位以高
祖禁網深刻又勅修律令除十惡之條時作稱皆小

舊一倍其贖銅亦加二倍爲差杖百則三十斤矣徒
一年者六十斤每等加三十斤爲差三年則一百八
十斤矣流無異等贖二百四十斤二死同贖三百六
十斤其實不異開皇舊制贖鬻子弟不得居宿衛近
侍之官先是蕭巖以叛誅崔君綽坐連庶人勇事家
口籍沒巖以中宮故君綽緣女入宮愛幸帝乃下詔
革前制曰罪不及嗣既弘至孝之道恩由義斷以勸
事君之節故羊鮒從戮彌見叔向之誠季布立勲無
預丁公之禍用能樹聲往代貽範將來朕虛已爲政

思遵舊典推心待物每從寬政六位成象美厥含弘
一省掩德其非謂也諸犯罪被戮之門其已下親仍
令合仕聽穎宿衛近侍之官三年新律成凡五百條
爲十八篇詔施行之謂之大業律一曰名例二曰衛
宮三曰違制四曰請求五曰戶六曰婚七曰擅興八
曰告劾九曰賊十曰盜十一曰鬪十二曰捕亡十三
曰倉庫十四曰廐牧十五曰關市十六曰雜十七曰
詐僞十八曰斷獄其五刑之內降從輕典者二百餘
條其枷杖決罰訊囚之制並輕於舊是時百姓久厭

嚴刻嘉於刑寬後帝乃外征四夷內窮嗜慾兵革歲
動賦斂滋繁有司皆臨時迫脅苟求濟事憲章遐棄
賄賂公行窮人無告聚為盜賊帝乃更立嚴刑救天下
竊盜已上罪無輕重不待聞奏皆斬百姓轉相羣聚
攻剽城邑誅罰不能禁帝以盜賊不息乃益肆淫刑九
年又詔為盜者籍沒其家自是羣賊大起郡縣官人
又各專威福生殺任情矣及楊玄感反帝誅之罪及
九族其尤重者行輾裂梟首之刑或磔而射之命公
卿已下繼噉其肉百姓怨嗟天下大潰及恭帝即位

高有錄焉

隋書第二十五卷

志二十

刑法

隋書第二十六卷

監修國史趙國公長孫無忌等撰

志二十一

百官上

易曰天尊地卑乾坤定矣卑高既陳貴賤位矣是以
聖人法乾坤以作則因卑高以垂教設官分職錫珪
胙土由近以制遠自中以統外內則公卿大夫士外
則公侯伯子男咸所以協和萬邦平章百姓允釐庶
績式叙彝倫其由來尚矣然古今異制文質殊途或

以龍表官或以雲紀職放勳即分命四子重華乃爰
置九官夏倍於虞殷倍於夏周監二代以革不同其
道既文置官彌廣逮于戰國戎馬交馳雖時有變革
然猶承周制秦始皇廢先王之典焚百家之言創立
朝儀事不師古始罷封侯之制立郡縣之官太尉主
五兵丞相摠百揆又置御史大夫以貳於相自餘衆
職各有司存漢高祖除暴寧亂輕刑約法而職官之
制因於嬴氏其間同異抑亦可知光武中興聿遵前
緒唯廢丞相與御史大夫而以三司綜理衆務泊于

叔世事歸臺閣論道之官備矣而已魏晉繼及大抵
略同爰及宋齊亦無改作梁武受終多循齊舊然而
定諸卿之位各配四時置戎秩之官百有餘號陳氏
繼梁不失舊功高齊創業亦遵後魏臺省位號與江
左稍殊所有節文備詳於志有周創據閔右日不暇
給自乎克清江漢爰議憲章酌豐鎬之遺文置六官
以綜務詳其典制有可稱焉高祖踐極百度伊始復
廢周官還依漢魏以中書爲內史侍中爲納言自
餘庶僚頗有損益

而嗣位意存稽古建官分職率

由舊章大業三年始行新令于時三川定鼎萬國朝宗衣冠文物足爲壯觀既而以人從欲待下若讎號今日改官名月易尋而南征不復朝廷播遷圖籍注記多從散逸今之存錄者不能詳備焉

梁武受命之初官班多同宋齊之舊有丞相太宰太傅太保大將軍大司馬太尉司徒司空開府儀同三司等官諸公及位從公開府者置官屬有長史司馬諮議參軍掾屬從事中郎記室主簿列曹參軍行參軍舍人等官其司徒則有左右二長史又增置左右掾

一人自餘僚佐同於二府有公則置無則省而司徒無公唯省舍人餘官常置開府儀同三司位次三公諸將軍左右光祿大夫優者則加之同三公置官屬特進舊位從公武帝以鄧禹列侯就第特進奉朝請是特引之見稱無官定體於是革之

尚書省置令左右僕射各一人又置吏部祠度支左戶都官五兵等六尚書左右丞各一人吏部刪定三比部祠部儀曹度支主客度支殿中金部倉部左戶駕部起部屯田都官水部庫部功論中兵外兵騎兵

等郎二十二人令史百二十人書令史百三十人

尚書掌出納王命敷奏萬機令總統之僕射副令又與尚書分領諸曹令闕則左僕射為主其祠部尚書多不置以右僕射主之若左右僕射並闕則置尚書僕射以掌左事置祠部尚書以掌右事然則尚書僕射祠部尚書不恒置矣又有起部尚書營宗廟宮室則權置之事畢則省以其事分屬都官左戶二尚書左右丞各一人佐令僕射知省事左掌臺內分職儀禁令報人章督錄近道文書章表奏事糾諸不法右

掌臺內藏及廬舍凡諸器用之物督錄遠道文書章表奏事凡諸尚書文書詣中書省者密事皆以挈囊盛之封以左丞印自晉以後八座及郎中多不奏事天監元年詔曰自禮闈陵替歷茲承久郎署備員無取職事糠粃文案貴尚虛閑空有趨墀之名了無握蘭之實曹郎可依昔奏事自是始奏事矣三年置侍郎視通直郎其郎中在職勤能滿二歲者轉之又有二都令史與左右丞共知所司舊用人常輕九年詔曰尚書五都職參政要非但總

領衆局亦乃方軌二丞頃雖求才未臻妙簡可革
用士流每盡時彥庶同持領秉此群目於是以
都令史視朝奉請其身以太學博士劉納兼殿中
都司空法曹參軍劉顯兼吏部都太學博士孔虔
孫兼金部都司空法曹參軍蕭軌兼左戶都宣毅
墨曹參軍王顯兼中兵都五人並以才地兼備首
膺茲選矣駕部又別領車府署庫部領南北武庫
二署令丞

黃門省置侍中給事黃門侍郎各四人掌侍從左右
擯相威儀蓋規獻納糾正違闕監合嘗御藥封璽書
侍郎中高功百在職一年詔加侍中祭酒與侍郎高
功者一人對掌禁令公車太官太醫等令驛驩既丞
集書省置散騎常侍通直散騎常侍各四人負外
散騎常侍無負散騎侍郎通直郎各四人又有負外
散騎侍郎給事中奉朝請常侍侍郎掌侍從左右獻
納得失省諸奏聞文書意異者隨事為駁集錄比詔
比璽為諸優文策文平處諸文章詩頌常侍高功者
一人為祭酒與侍郎高功者一人對掌禁令糾諸通違

駙馬奉車車駙三都尉並無負駙馬以加尚公主者
無班秩

散騎常侍通直散騎常侍負外散騎常侍舊並為顯
職與侍中通官宋代以來或輕或雜其官漸替天監
六年革選詔曰在昔晉初抑惟盛化常侍侍中並奏
帷幄負外常侍特為清顯陸始名公之胤位居納言
曲蒙優禮方有斯授可分門下二局委散騎常侍尚
書奏奏分曹入集書通直常侍本為顯爵負外之選
宜參舊准人數依正負格自是散騎視侍中通直視

中丞負外視黃門郎

中書省置監令各一人掌出內帝命侍郎四人功高
者一人主省內事又有通事舍人主事令史等負及置
令史以承其事通事舍人舊入直閣內梁用人殊重
簡以才能不限資地多以他官兼領其後除通事直
日中書舍人

秘書省置監丞各一人郎四人掌國之典籍圖書者
作郎一人佐郎八人掌國史集注起居著作郎謂之
大著作梁初周捨裴子野皆以他官領之又有撰史

學士亦知史書佐郎為起家之選

御史臺漢國初建置大夫天監元年復曰中丞置一人掌督司百寮皇太子已下其在宮門行馬內違法者皆糾彈之雖在行馬外而監司不糾亦得奏之專道而行逢尚書丞郎亦得停駐其尚書令僕御史中丞各給威儀十人其八人武冠絳鞬執青儀囊在前囊題云其官吉以受辭訴一人緹衣執鞭杖依列行七人唱呼入殿引望至階一人執儀囊不噪屬官治書侍御史二人掌舉劾官品第六已下分統侍御史

侍御史九人居曹掌知其事糾察不法殿中御史四人掌殿中禁衛內又有符節令史負

謁者臺僕射一人掌朝觀賓饗之事屬官謁者十人掌奉詔出使拜假朝會擯贊高功者一人為假史掌差次謁者

諸卿梁初猶依宋齊皆無卿名天監七年以太常為太常卿加置宗正卿以大司農為司農卿三卿是為春卿加置太府卿以少府為少府卿加置太僕卿三卿是為夏卿以衛尉為衛尉卿廷尉為廷尉卿將依

大匠爲大匠卿三卿是爲秋卿以光祿勳爲光祿卿
大鴻臚爲鴻臚卿都水使者爲太舟卿三卿是爲冬
卿凡十二卿皆置丞及功曹主簿而太常位視金紫
光祿大夫統明堂二廟太史太祝廩犧太樂鼓吹乘
黃北館典客館等令丞及陵監國學等又置協律校
尉總章校尉監掌故樂工之屬以掌樂事太樂又有
清商署丞太史別有靈臺丞詔以爲陵監之名不出
前詔且宗廟憲章旣備典禮園寢職司理不容異諸
正陵先立監者改爲令於是陵置令矣

國學有祭酒一人博士二人助教十人大學博士八
人又有限外博士員天監四年置五經博士各一人
舊國子學生限以貴賤帝欲招來後進五館生皆引
寒門雋才不限人數大同七年國子祭酒到溉等又
表立正言博士一人位視國子博士置助教二人
宗正卿位視列曹尚書主書室外戚之籍以宗室爲
之

司農卿位視散騎常侍主農功倉廩統太倉道管藉
田上林令又管樂遊北苑丞左右中部三倉丞茨庫

荻庫若庫丞丞西諸屯主天監九年又置勸農農謁者
視殿中御史

太府卿位視宗正掌金帛府帑統左右藏令上庫丞
掌太倉南北市令關津亦皆屬焉

少府卿位視尚書左丞置材官將軍左中右尚方甄
官平水中署南塘邸稅庫東西冶中黃細作炭庫紙
官柴署等令丞

太僕卿位視黃門侍郎統南馬牧左右牧龍廐內外
廐丞又有弘訓太僕亦置屬官

少府視侍中掌中屯兵卿每

及每旬

采法統武庫令公車司馬令又

弘訓衛

屬官

尉卿梁國初建曰大理天監元年復改為廷尉有
正監平二人元會廷尉三官與建康三官皆法冠玄
公朝服以監東西華明手執方木長三尺方一寸
明之執方四年置曹子律博士位視負外郎

大匠卿位視太僕掌土木之工統左右校諸署

光祿卿位視太子中庶子掌宮殿門戶統守宮黃門

華林園暴室等令又有左右光祿令並光祿太中中散等大夫並無負以養老疾

鴻臚卿位視尚書左丞掌導護贊拜

太舟卿梁初為都水臺使者一人參軍事二人河堤謁者八人七年改焉位視中書郎列卿之最末者也主舟航堤渠

大長秋主諸官者以司宮闈之職統黃門中署奚官恭室華林等署領軍護軍左右衛驍騎游騎等六將軍是為八軍又有中領中護資輕於領護又左右

將軍左右中郎將中驍步騎越騎長水射聲

羽武賁冗從羽林三將軍積射強弩二軍

武騎之職皆以分司丹禁侍衛左右天監六

直左右驍騎左右游擊將軍位視二率改舊驍騎

曰雲騎游擊曰游騎降左右游一階又置朱衣直

閣將軍以經為方牧者為之其以左右驍游帶

量給儀從

太子太傅一人位視尚書令少傅一人位視左僕射

天監初置東宮常侍皆散騎常侍為之

詹事位視中護軍任摠官朝二傳及詹事各置丞功曹主簿五宮家令率更令僕各一人家令自宋齊已來清流者不爲之天監六年帝以三卿陵替乃詔革選家令視通直常侍率更僕視黃門二等皆置丞中太通三年以昭明太子妃居金華宮又置金華家令左右衛率各一人位視御史中丞各有丞左率領果統遠立忠建寧陵鋒夷寇祚祐等七營右率領崇文崇和細射等四營二率各置殿中將軍十將軍十人正負司馬四

負司

其屯騎步兵翊軍三校尉各一人謂之三校旅賁中郎將冗從僕射各一人謂之二將左右積弩將軍各一人門大夫一人視謁者僕射中庶子四人功高者一人爲祭酒行則負壘前後部護駕中舍人四人功高者一人與中庶子祭酒共掌其坊之禁令又有通事守舍人典事守舍人典法守舍人負

庶子四人掌侍從左右獻納得失高功者一人與高

功舍人共掌其坊之禁令

舍人十六人掌文記通事舍人二人視南臺御史多以餘官兼職典經局洗馬八人位視通直郎置典經守舍人典事守舍人負又有外監殿局內監殿局導客局齋內局主醴主衣扶持等局門局鑄庫局內廐局中藥藏局食官局外廐局車廐局等各置有司以承其事

皇弟皇子府置師長史司馬從事中郎諮議參軍及掾屬中錄事中記室中直兵等參軍功曹史錄事記室中兵等參軍文學主簿正參軍行參軍長兼行參軍等負嗣王府則減皇弟皇子府師友文學長兼行參軍蕃王府則又減嗣王從事中郎諮議參軍掾屬錄事記室中兵參軍等負自此以下則並不登二品王國置郎中令將軍常侍官又置典祠令朝長陵長典醫丞典府丞典書令學官令食官長中尉侍郎執事中尉司馬謁者典衛令舍人中大夫大農等官嗣王國則唯置郎中令中尉常侍大農等負蕃王則無常侍自此以下並不登二品

諸王皆假金獸符第一至第五左竹使符第一至第十左諸公侯皆假銅獸符竹使符第一至第五名山大澤不以封鹽鐵金銀銅錫及竹園別都宮室園圃皆不以屬國

諸王言曰今境內稱之曰殿下公侯封郡縣者言曰教境內稱之曰第下自稱皆曰寡人相以下公文上事皆詣典書世子主國其文書表疏儀式如臣而不稱臣文書下羣官皆言告諸王公侯國官皆稱臣上於天朝皆稱陪臣有新使皆曰上疏其公文曰言事

五等諸公位視三公班次之開國諸侯位視孤卿重號將軍光祿大夫班次之開國諸伯位視九卿班次之開國諸子位視二千石班次之開國諸男位視比二千石班次之公已下名置相典祀典書令典衛長一人而伯子典書謂之長典衛謂之丞男典祠謂之長典書謂之丞無典衛諸公已下臺為選置相掌知百姓事典祠已下自選補上諸列侯食邑千戶已上置家丞庶子負不滿千戶則但置庶子負州刺史二千石受拜之明日辭宮廟而行州置別駕

治中從事各一人主簿西曹議曹從事祭酒從事部
傳從事文學從事各因其州之大小而置負郡置太
守置丞國曰內史郡丞三萬戶以上置佐一人

縣為國曰相大縣為令小縣為長皆置丞尉郡縣置
吏亦各准州法以大小而制負郡縣吏有書僮有武
吏有醫有迎新送故等負亦各因其大小而置為烏
建康舊置獄丞一人天監元年詔依廷尉之官置正
平監革選士流務使任職又令三官更直一日分受
罪繫事無小大悉與令等若有大事共詳三人具辨

脫有同異各立議以聞尚書水部郎東孝然議曹郎
孔丘源並為之位視給事中

大監初武帝命尚書刪定即濟陽蔡法度定令為九
品秩定帝於品下注一品秩為萬石第二第三為中
二千石第四第五為二千石至七年革選徐勉為吏
部尚書定為十八班以班多者為貴同班者則以居
下者為劣

丞相太宰太傅太保大司馬將軍太尉司徒司空為
十八班

諸將軍開府儀同三司左右光祿開府儀同三司為十七班

尚書令太子太傅左右光祿大夫為十六班

尚書左僕射太子少傅尚書僕射右僕射中書監特進領護將軍為十五班

中領護軍吏部尚書太子詹事金紫光祿大夫太常卿為十四班

中書令列曹尚書國子祭酒宗正太府卿光祿大夫為十三班

侍中散騎常侍左右衛將軍司徒左掌史衛尉卿為十二班

御史中丞尚書吏部郎秘書監通直散騎常侍太子左右二衛率左右驍騎左右游擊太中大夫皇弟皇子帥司農少府廷尉卿太子中庶子光祿卿為十一班給事黃門侍郎負外散騎常侍皇弟皇子府長史太僕大匠卿太子家令率更令僕揚州別駕中散大夫司徒右長史雲騎游騎皇弟皇子府司馬朱衣直閣將軍為十班

尚書左丞鴻臚卿中書侍郎國子博士太子庶子楊
州中從事皇弟皇子公府從事中郎太舟卿大長秋
皇弟皇子府諮議嗣王府長史前左右後四軍嗣王
府司馬庶姓公府長史司馬為九班

祕書丞太子中舍人司徒左西掾司徒蜀皇弟皇子
友散騎侍郎尚書右丞南徐州別駕皇弟皇子公府
掾屬皇弟皇子單為二衛司馬嗣王庶姓公府從事
中郎左右中郎將嗣王庶姓公府諮議皇弟皇子之
庶子府長史司馬蕃王府長史司馬庶姓持節府長

史司馬為八班

五校東宮三校皇弟皇子之庶子府中錄事中記室
中直兵參軍南徐州中從事皇弟皇子之庶子府蕃
王府諮議為七班

太子洗馬通直散騎侍郎司徒主簿尚書侍郎著作
郎皇弟皇子府功曹史五經博士皇弟皇子府錄事
記室中兵參軍皇弟皇子荆江雍郢南兗五州別駕
領護軍長史司馬嗣王庶姓公府掾屬南臺治書侍
御史廷尉三官謁者僕射太子門大夫嗣王庶姓公

府中錄事中記室中直兵參軍庶姓府諮議為六班
尚書郎中皇第皇子文學及府主簿太子太傅少傅
丞皇第皇子湘豫司益廣青衡七州別駕皇第皇子
荆江雍郢南兖五州中從事嗣王庶姓荆江雍郢南
兖五州別駕太常丞皇第皇子國郎中令三將東宮
二將嗣王府功曹史庶政公府錄事記室中兵參軍
皇第皇子之庶子府蕃王府中錄事中記室中直兵
參軍為五班

給事中皇第皇子府正參軍中書舍人建康三官皇

第皇子北徐北兖梁交南泗五州別駕皇第皇子湘
豫司益廣青衡七州別駕中從事嗣王庶姓湘豫司
益廣青衡七州別駕嗣王庶姓荆江雍郢南兖五州
中從事宗正太府衛尉司農少府廷尉太子詹事等
丞積射驍弩將軍太子左右積弩將軍皇第皇子國
大農嗣王國郎中令嗣王庶姓公府主簿皇第皇子
之庶子府蕃王府功曹史皇第皇子之庶子府蕃王
府錄事記室中參軍為四班
太子舍人司徒祭酒皇第皇子公府祭酒負外散騎

侍郎皇弟皇子府行參軍太子太傅少傅五官功曹
主簿二衛司馬公車令胄子律博士皇弟皇子越桂
寧霍四州別駕皇弟皇子北徐北兗梁交南梁五州
中從事嗣王庶姓北徐北兗梁交南梁五州別駕湘
豫司益廣青衛七州中從事嗣王庶姓公府正參軍
皇弟皇子之庶子府蕃王府曹主簿武衛將軍光祿
丞皇弟皇子國中尉太僕大匠丞嗣王國大農蕃王
國郎中令庶姓持節府中錄事記室中直兵參軍
北館令為三班

秘書郎著作郎揚南徐州主簿嗣王庶姓公府祭酒
皇弟皇子單為領護庶事二衛等五官功曹主簿太
學博士皇弟皇子國常侍奉朝請國子助教皇弟皇
子越桂寧霍四州中從事皇弟皇子荊州雍郢南兗
五州主簿嗣王庶姓越桂寧霍四州別駕嗣王庶姓
北徐北兗梁交南梁五州中從事鴻臚丞尚書五都
令史武騎常侍材官將軍明堂二廟帝陵令嗣王府
庶姓公府行參軍皇弟皇子之庶子府正參軍蕃王
國大農庶姓持節府錄事記室中兵參軍庶姓持節

府功曹史為二班

楊南徐州西曹祭酒從事皇弟皇子國侍郎嗣王國
常侍揚南徐州議曹從事東宮通事舍人南臺侍御
史太舟丞二衛殿中將軍太子二率殿中將軍皇弟
皇子之庶子府蕃王府行參軍蕃王國中尉皇弟皇
子湘豫司益廣青衛七州主簿皇弟皇子荆雍郢南
兖四州西曹祭酒議曹從事皇弟皇子江州西曹從
事祭酒議曹祭酒部傳從事嗣王庶姓越桂寧霍四
州中從事嗣王庶姓荆江雍郢南兖五州主簿庶姓

持節府主簿汝陰巴陵二國郎中令太官太樂太市
太史太醫太祝東西治左右尚方南北武庫東府等
令為一班

位不登二品者又為七班皇弟皇子府長兼參軍皇
弟皇子國三軍嗣王國侍郎蕃王國常侍揚南徐州
文學從事殿中御史庶姓持節府除正參軍太子家
令丞二衛殿中負外將軍太子二率殿中負外將軍
鎮蠻安遠護軍度支校尉等司馬皇弟皇子北徐北
兖梁交南梁五州主簿皇弟皇子湘豫司益廣青衛

七州四曹祭酒議曹從事皇第皇子荆雍郢三州從事史江州議曹從事南兖州文學從事嗣王庶姓湘豫司益廣青衞七州主簿嗣王庶姓荆雍郢南兖四州西曹祭酒議曹從事嗣王庶姓江州西曹從事祭酒部傳從事勸農謁者汝陰巴陵二王國大農郡公國郎中令為七班

皇第皇子國典書令嗣王國三軍蕃王國侍郎領護詹事五官功曹皇第皇子府參軍督護嗣王府長兼參軍庶姓公府長兼參軍庶姓侍節府板正參軍皇

第皇子越柱寧霍四州主簿皇弟皇子北徐北兖梁交南梁五州西曹祭酒議曹從事嗣王庶姓北徐北兖梁交南梁五州主簿嗣王庶姓湘豫司益廣青衞七州西曹祭酒議曹從事皇第皇子豫司益廣青五州文學從事湘衞二州從事嗣王庶姓荆霍郢三州從事史江州議曹從事南兖州文學從事汝陰巴陵二王國中尉皇第皇子之庶子縣侯國郎中令郡公國大農縣公國郎中令為六班

皇第皇子國三令嗣王國典書令蕃王國三軍皇弟

皇子公府東曹督護嗣王府庶姓公府參軍督護皇
第皇子之庶子長兼參軍蕃王府長兼參軍二衛正
員司馬督太子二率正員司馬督領護主簿詹事主
簿二衛功曹太常五官功曹石頭戍軍功曹庶姓持
節府行參軍皇第皇子越桂寧霍四州西曹祭酒議
曹從事皇第皇子北徐北兗梁交南梁五州文學從
事嗣王庶姓越桂寧霍四州主簿嗣王庶姓北徐北
兗梁交南梁五州西曹祭酒議曹從事嗣王庶姓豫
司益廣青五州文學從事湘衡二州從事汝陰巴陵

二王國常侍郡公國中尉縣侯國郎中令皇第皇子
府功曹督護為五班

嗣王國三令蕃王國典書令嗣王府功曹督護庶姓
公府東曹督護皇第皇子之庶子府參軍督護蕃皇
府參軍督護二衛員外司馬督太子二率員外司馬
督二衛主簿太常主簿宗正卿等十一卿五官功曹
石頭戍軍主簿庶姓持節府板行參軍皇第皇子越
桂寧霍四州文學從事嗣王庶姓越桂寧霍四州西
曹祭酒議曹從事嗣王庶姓北徐北兗梁交南梁五

州文學從事汝陰巴陵二王國侍郎縣公國中尉為
四班

蕃王國三令皇弟皇子之庶子府蕃王府功曹督護
宗正等十一卿主簿庶姓持節府長兼參軍嗣王庶
姓越桂寧霍四州文學從事郡公國侍郎為三班
庶姓持節府參軍督護汝陰巴陵二王國典書令縣
公國侍郎為二班

庶姓持節府功曹督護汝陰巴陵二王國三令郡公
國典書令為一班

又著作正令史集書正令史尚書度支三公正令史
函典書殿中外監齊東堂監尚書都官左降正令史
諸州鎮監石頭城監琅邪城監東宮外監殿中守舍
人齊監東宮典經守舍人上庫令大社令細作令菓
官令平水令大官市署丞正厨丞酒庫丞茶署丞大樂庫
丞別局校丞清商丞太史丞太醫丞中藥藏丞東冶
小庫等三丞作堂金銀局丞木局丞北武庫二丞南武
庫二丞東宮食官丞上林丞湖西墻丞芙蓉庫丞絃
絹篋席丞國子典學材官司馬宣陽等諸門候東宮

漢客守舍人運署謁者都水左右二裝五城謁者石
城宣城陽新屯謁者南康建安晉安伐艇謁者晉安
練葛屯主為三品蘊位又門下集書主事通正令史
中書正令史尚書監籍正令史都正令史殿中內監題閣監
繕局監東宮門下通事守舍人東宮典書守舍人東宮內
中守舍人題閣監乘黃令右威令籍田令廡犧令梅
根諸治令典客館令大官四丞庫丞太樂令東治太庫
丞左尚方五丞右尚方四丞東宮衛廡丞司農左右中
鄧君丞廷尉律博士公府舍人諸州別置監山陰獄丞

為三品勳位其州二十三並列其高下選擬略視內
職郡守及丞各為十班縣制七班用人各擬內職云

又詔以將軍之名高卑姓雜命更加釐定於是
有司奏置一百二十五號將軍以鎮衛驃騎車騎為二

十四班

內外通用

四征

東南西北止施外

四中

軍衛撫護止施內

為二十

三班八鎮

東南西北止施在外左右前後止施在內

為二十二班八安

東西

南北止施在外左右前後止施在內

為二十一班四平

東西南北

四翊

左右前後

為二十班凡三十五號為一品是為重號將軍忠武
軍師為十九班武臣爪牙龍騎雲麾為十八班

代舊日前後

左右四鎮兵翊師宣惠宣毅為十七班代舊四十號

為一品智威仁威勇威信威嚴威為十六班代舊智

武仁武勇武信武嚴武為十五班代舊十號為一品

所謂五德將軍者也輕車征遠鎮朔武旅貞毅為十

四班代舊輔國凡將軍加太者唯至貞毅而已通進

馬諮議諸曹有錄事記室等十八曹天監七年更置

寧遠明威振遠電耀威耀為十三班代舊十號為一

品武威武騎武猛壯武威武為十二班電威馳銳追

鋒羽騎突騎為十一班十號為一品折衝冠武和戎

安盟猛烈為十班掃狄雄信掃虜武銳椎鋒為九班

十號為一品略遠貞威決勝開遠光野為八班厲鋒

輕銳討狄蕩虜蕩夷為七班十號為一品武毅鐵騎

樓腰宣猛樹功為六班克狄平虜討夷平狄威戎為

五班十號為一品伏波雄戟長劍衝冠雕騎為四班

倣飛安夷克戎綏狄威虜為三班十號為一品前鋒

武毅開邊招遠金威為二班綏虜蕩寇殄虜橫野馳

身為一班十號為一品凡十品二十四班亦以班

多為貴其制品十取其盈數班二十四以法氣序

制簿悉以大號居後以為選法自小遷大也前史

所記以位得從公故將軍之名次于台槐之下至

是備其班品叙於百司之外其不登二品應須軍

號者有牙門代舊期門建武為八班侯騎代舊熊

渠代舊振武為七班中堅代舊奮威典戎代舊奮武為六班戈船代舊

揚繡衣代舊揚武為五班執訊代舊廣威行陣代舊廣武為四班

應鳥揚為三班陵江為二班偏將軍裨將軍為一班凡

十四號別為八班以象八風所施甚輕又有武安

鎮遠雄義擬車為二十四班四撫東南西北為二十

三班四寧東南西北為二十二班四威東南西北為

二十一班四綬東南西北為二十班凡十九號為一

品安遠安邊擬忠武軍師為十九班輔義安沙衛海撫

河擬武臣為十八班平遠撫朔寧沙航海擬鎮兵為

十七班凡十號為一品翊海朔野拓遠威河龍幕擬

威等為十六班威隴安漠綏邊寧寇梯山擬智武

為十五班凡十號為一品寧境綏河明信明義威

漠擬輕車為十四班安隴向義宣節振朔候律擬

法為十三班凡十號為一品平寇定遠陵海寧

隴振漢擬武威等五號為十二班馳義橫朔明節執信懷

德擬電威等五號為十一班凡十號為一品撫邊定隴綏

關立信奉義擬折衝等五號為十班綏隴寧邊定朔立節

懷威擬掃仗等五號為九班九十號為一品懷關靜朔掃

寇寧河安朔擬珞遠等五號為八班揚化超隴執義來化

度嶂擬厲鋒等五號為七班凡十號為一品平河振隴雄邊

橫沙寧關擬武毅等五號為六班懷信宣義弘節浮遼擊空

擬克狄等五號為五班凡十號為一品扞海坎塞歸義陵河

明信擬伏波等五號為四班奉忠守義弘信仰化立義擬伏飛等

擬先鋒等五號為三班凡十號為一品綏方奉正承化浮海度河

為二班懷義奉信歸誠懷澤伏羲擬綏虜等五號為

一班凡十號為一品大凡一百九號將軍亦為十品

二十四班正施於外國及大通三年有司奏曰天監

七年改定將軍之名有因有革普通六年又置百號

將軍更加刊正雜號之中微有移異大通三年奏移

寧遠班中明威將軍進輕車班中以輕車班中征遠

度入寧遠班中文置安遠將軍代貞武宣遠代明烈

其戎夷之號亦加附擬選序則依此承用遂以定制

轉則進一班黜則退一班班即階也同班以百優劣為
前後有鎮衛驃騎車騎同班四中四征同班八鎮同
班八安同班四平四朔同班忠武軍師同班武臣瓜
牙龍騎雲麾冠軍同班鎮兵朔師宣惠宣武四將軍
東南西北四中郎將同班智威仁威勇威信威嚴威
同班智武仁武勇武信武嚴武同班謂為五德將軍
輕車鎮朔武旅貞毅明威同班寧遠安遠征遠振遠
宣遠同班威雄威猛威烈威振威信威勝威略威風
威力威光同班武猛武略武勝武力武毅武健武烈

武威武銳武勇同班猛毅猛烈猛威猛銳猛震猛進
猛智猛威猛勝猛駿同班壯武壯勇壯烈壯猛壯銳
壯盛壯毅壯志壯意壯力同班驍雄驍桀驍猛驍勇
驍武驍勇驍銳驍名驍勝驍迂同班雄猛雄威雄明
雄烈雄信雄武雄勇雄毅雄壯雄健同班忠勇忠烈
忠猛忠銳忠忠忠毅忠捍忠信忠義忠勝同班明智
明畧明遠明勇明烈明威明勝明進明銳明毅同班
光烈光明光英光遠光勝光銳光命光勇光戎光野
同烈颯猛颯烈颯銳颯奇颯決颯起颯略颯勝颯勝

同班龍驤武視雲旗風烈雷威雷音馳銳追銳羽騎
突騎同班折衝冠武和戎安壘超猛英果掃虜掃狄
武銳推鋒同班開遠略遠真威決勝清野堅銳輕銳
拔山雲勇振旅同班超武鐵騎樓船宣猛樹功克狄
平虜稜威昭威戎同班伏波雄戟長劍衝冠雕騎
飲飛勇騎破敵克敵威虜同班前鋒武毅開邊招遠
金威破陣蕩寇殄虜橫野馳射同班牙門期門同班
侯騎熊渠同班中堅典戎同班執訊行陣同班伏武
懷騎同班偏裨將軍同班凡二百四十號為四十四

班又雍州置寧蠻校尉廣州置平越中郎將北涼南
秦置西戎校尉南秦梁州置平戎校尉寧州置鎮蠻
校尉西陽南新蔡置蠻校尉廬江等郡置鎮蠻護軍武陵
郡置安遠護軍巴陵郡置度支校尉皆立府隨府主
號輕重而不為定其將軍施於外國者雄義鎮遠武
安同班儀鎮衛等三號四撫同班擬四征四威同班
擬四安四綏同班擬四平安遠安邊同班擬中武等
號撫河衛海安沙輔義同班擬武臣等號航海寧沙
撫朔平遠同班擬鎮兵等號龍幕威河和戎拓遠朔

野翊海同班擬智威等號梯山寧寇綏邊安漠威隴
五號同班擬智武等號威漠明義昭信綏河寧境同
班擬輕車等號侯律振朔宣節向義安隴同班擬寧
遠等號振漠寧隴陵海安遠平寇同班擬威雄等號
懷關同班擬驍雄等號度嶂奉化康義超隴揚化同
班擬猛烈等號寧關橫沙雄邊振隴平河同班擬忠
勇等號蒙空河遼弘節宣義懷信同班擬明智等號
明信凌河歸義款塞扞海同班擬先烈等號立義仰
化弘信守義奉忠同班擬颯勇等號奉誠立誠建誠

誠顯誠義誠同班擬龍驤等號尉遼寧勃綏嶺威塞
通候同班擬折衝等號昆荒威荒定荒開荒理荒同
班擬開遠等號奉節歸節節效節伏節同班擬超
武等號渡河陵海承化奉止綏方同班擬伏波等號
伏羲懷澤歸誠奉信懷義同班擬前鋒等號凡一百
二十五將軍二十八班並施外國戎號准于中夏焉
大同四年魏彭城王爾朱仲遠來降以為定洛大將
軍仍使其北討故名云

陳承梁皆首其制官而又置相國位列丞相上并承

相太宰太傅太保大司馬大將軍並以爲贈官定令
尚書置五員郎二十一員其餘並遵梁制爲十八班
而官有清濁自十二班以上並詔授表啓不稱姓從
十一班至九班禮數復爲一等又流外有七班此是
寒微上人爲之從此班者方得進登第一班其親王
起家則爲侍中若加將軍方得有佐史無將軍則無
府止有國官皇太子家嫡者起家封王依諸王起家
餘子並封公起家中書郎諸王子并諸侯世子起家
給事中公子起家員外散騎侍郎令僕子起家祕書

郎若員滿亦爲板法曹雖高半階終祕書郎下次
令僕子起家著作佐郎亦爲板行參軍此外有揚州
主簿太學博士五國侍郎奉朝請嗣王行參軍並起
家官未合發詔諸王公參佐等官仍爲清濁或有選
司補用亦有府牒即授者不拘年限去留隨意在府
之日唯賓遊宴賞時復脩參更無餘事若隨府王在
州其僚佐等或亦得預催督若其驅使便有職務其
衣冠子弟多有脩立非氣類者唯利是求暴物亂政
皆此之類國之政事並由中省省有中書舍人五人

領主事十人書吏二百人書吏不足并取助書分掌
二十一局事各當尚書諸曹是為上司揔國內機要
而尚書唯聽受而已被委此官多擅威勢其庶姓為
州若無將軍者謂之單車郡縣官之任代下有迎新
送故之法餉饋皆百姓出並以定令其所制品秩今
列之云

相國丞相太宰太傅太保大司馬大將軍太尉司徒
司空開府儀同三司口上秩巴陵王汝陰王後尚書
令已上秩中品並第一中書監尚書左右僕射特進

太子二傅左右光祿大夫已上中品並第一中書令

侍中散騎常侍領護軍吏部尚書列曹尚書金紫光

祿大夫光祿大夫已上並中左右衛將軍御史中丞

已上二太后衛尉太僕少府三卿太常宗正太府衛

尉司農少府廷尉光祿大夫太僕鴻臚太舟等卿太

子詹事國子祭酒已上中揚州刺史凡單車刺史加

進二品不論持節假節揚州徐州加督進二品右南徐東

揚州刺史皇弟皇子封國王世子品並第三通直散

騎常侍負外散騎常侍黃門侍郎已上二秘書監中

卷之六十六

石千 左右驍騎左右游擊等將軍太子中庶子已上二千石

太子左右衛率二千石 朱衣直閣雲騎游騎將軍中

書侍郎已上二千石 尚書左右丞尚書吏部侍郎郎中已上六百石

石尚書郎中與吏部郎同列今品同 太子三卿太中中散大夫司徒左

右長史已上二千石 諸王師依秩成之例 國子博士千石 荆江南兗

鄆湘雍等州刺史六州加督進在第三品東揚州下加都督進在第二品台光祿下

嗣王蕃王郡公縣公等世子品並第四祕書丞明

堂太廟帝陵等令已上六百石 散騎侍郎前左右後軍將

軍左右中郎將已上二千石 大長秋二千石 太子中舍人庶子

六石 豫益廣衡等州青州領冀州北兗北徐等州梁

州領南秦州司南梁交越桂霍寧等十五州加督進在

第四品雍州下加都督進在第三品南徐州下不言秩 丹楊尹中二千石 會稽太守

二千石加督進在第四品雍州下加都督進在第三品南徐州下諸郡若督及都督皆以此差次為例

吳郡吳興二太守二千石 侯世子不言秩 皇弟皇子府

諮議參軍八百石 皇弟皇子府板諮議參軍不言秩 皇弟

皇子府長史千石 皇弟皇子府板長史不言秩 皇弟皇子

府司馬千石 皇弟皇子府板司馬不言秩 皇弟皇子公府

從事中郎六百石 品並第五通直散騎侍郎千石 著作郎

四十六卷 卷之六 三十一

六百步兵射聲長水越騎屯騎五校尉並千石太子洗

馬六百石太子步兵翊軍屯騎二校尉並千石司徒左

西掾屬並本秩四百石依減秩例皇弟皇子友依減秩例皇弟皇子公

府屬本秩四百石依減秩例五經博士六百石子男世子不言秩萬

戶以上郡太守內史相嗣王府皇弟皇子之庶子府

諮議參軍六百石不言秩嗣王府皇弟皇子之庶子府長

史司馬並八百石不言秩二府官皆以正王府庶姓公府諮

議參軍六百石不言秩庶姓公府長史司馬並八百石其板著

嗣王庶姓公府從事中郎六百石皇弟皇

子府中錄事參軍板府中錄事參軍中記室參軍板中記

室參軍中直兵參軍板中直兵參軍揚州別駕中從事皇

弟皇弟南徐荆江南兗郢湘雍州別駕中從事並不言秩

並第六給事中六百石員外散騎侍郎秘書著作佐郎

並四百石奉車駙馬都尉武育中郎將羽林監冗從

僕射六百石謁者僕射千石南臺治書侍御史六百石太

子舍人二百石太子門大夫六百石太子旅賁中郎

將冗從僕射並秩同司徒主簿依減秩例司徒祭酒不言秩領

護軍長史司馬廷尉正監平六百石皇弟皇子府錄事

四百廿六 卷之六 六

記室中兵等參軍板錄事記室中兵等參軍功曹史主

簿公府祭酒並不皇弟皇子文學依例嗣王庶姓公

府掾屬並本秩四百石依例太子二傅丞並六百石蕃王府諮議

參軍四百石蕃王府板諮議參軍不言蕃王府長史司

馬六百石不言庶姓持節府諮議參軍四百石庶姓非公

不持節將軍置長史六百石庶姓持節府板諮議參軍

不言庶姓持節府長史司馬並六百石不言嗣王府皇弟

皇子之庶子及庶姓公府中錄事中記室中直兵參軍

及板中錄事中記室中直兵參軍並不言不滿萬戶太

宗內史相石丹楊會稽吳郡長興及萬戶郡丞並

石建康令石建康正監平秩同品並第七中書通事

合人依例積射強弩武衛等將軍公車令太子左右

積弩將軍並六百石奉朝請武騎常侍依例太后三卿十

二卿大長秋等丞並六百石左右衛司馬不言太子詹事

丞胄子律博士並六百石皇弟皇子府正參軍板正參軍

行參軍板行參軍嗣王府皇弟皇子之庶子府錄事

記室中兵參軍板錄事記室中兵參軍功曹史主簿

庶姓非公不持節諸將軍置主簿庶姓公府錄事記

室中兵參軍板錄事記室中兵參軍主簿嗣王庶姓

公府祭酒蕃王府中錄事記室直兵參軍板中錄事

記室直兵參軍庶姓持節府中錄事記室直兵參軍

及板中錄事記室直兵參軍太子太傅五官功曹史

主簿少傅五官功曹史主簿已上並不言秩太學博士六百

國子助教司樽郎安蠻戎越校尉中郎將府等長史

六百石蠻戎越等府佐無定品自隋蠻戎越校尉

中郎將等府板長史不言秩蠻戎越校尉中郎將等司

馬六百石板庶姓南徐州江南兗郢湘雍等州

從事不言秩不流萬戶已郡丞六百五千戶已上

縣令相石皇弟皇子國郎中令大農中尉並六百石

並第八左右二衛殿中將軍不言秩南臺侍御史依秩減例

東宮通事舍人不言秩材官將軍六百石太子左右二衛

率殿中將軍及丞嗣王府皇弟皇子之庶子府正參

軍板正參軍行參軍板行參軍庶姓公府正參軍板

正參軍蕃王府錄事記室中兵等參軍板錄事記室

中兵等參軍功曹史主簿正參軍板正參軍行參軍

板行參軍庶姓持節府錄事記室中兵等參軍板錄

事

事記室中兵等參軍功曹史主簿庶姓豫益廣衡青
冀北充北徐梁秦司南徐等州別駕中從事史揚州

主簿西曹及祭酒議曹二從事南徐州主簿西曹祭

酒議曹一從事皇弟皇子諸州主簿西曹已上並不言秩不

滿五千戶已下縣令相六百皇弟皇子國常侍侍郎

不言嗣王國郎中令大農中尉並四不言嗣王國常侍不言

秩蕃國王郎中令大農殿中並二不言品並第九又有戎

號擬官自一品至千九品凡二百二十七鎮衛驃騎

車騎等三號將軍擬官品第一比秩中四中軍撫四

征東南西北八鎮東南西北等十六號將軍擬官品第二

秩中八安左前右後四翊左前右後四平東南西北等十六

號將軍擬官品第二秩中忠武軍師武臣瓜牙龍

騎雲麾冠軍鎮兵翊師宣惠宣毅等將軍四中郎將

智仁勇信嚴等五威五武將軍合二十五號擬官品

第四秩中輕車鎮朔武旅貞毅明威等將軍將軍加大

者至此凡加寧安征振宣等五遠將軍寧蠻校尉雍州

大通進一階小府蠻越校尉中郎將隨府主軍號輕重若單合十

八號擬官品第五威雄猛烈宸信略勝風力光等十

威武猛略勝力毅健烈威銳勇等十武猛毅烈威震
銳進智勝駿等十猛壯武勇烈猛銳威力毅志意等
十壯驍雄桀猛烈武勇銳名勝迅等十驍雄猛威明
烈信武勇毅壯健等十雄忠勇烈猛銳壯毅捍信
義勝等十忠明智略遠勇烈威銳毅勝進等十明光
烈明英遠勝銳命勇戎野等十光驍勇列猛銳奇決
起勝略出等十驍將軍平越中郎廣梁南秦南梁
寧等州小府西
戎平戎鎮蠻二校尉等擬官一百四號品第六並十
石
龍驤武視雲旗風烈電威雷音馳銳追銳羽騎突騎

折衝冠武和我安壘超猛英果掃虜掃狄武銳椎鋒
開遠略遠貞威決勝清野堅銳輕車拔山雲勇振旅

等將軍擬官三十號品第七並六
百石超武鐵騎樓船宣

猛樹功克狄平虜稜威戎昭威戎伏波雄戟長劍衝

冠雕騎伏飛勇騎破敵克敵威虜等將軍鎮蠻護軍

西陽南新蔡晉熙廬江和州小府鎮亦安遠護軍度支
校尉隨府主號輕重共單作則減太守內史相一階
若有將軍
減一階安遠護軍度支校尉巴陵
郡丞等擬官二十三

號品第八並六
百石前鋒武毅開邊招遠金威破陣蕩寇

殄虜橫野馳射等將軍擬官十號品第九並四
百石諸將

起自第六品已下板則無秩其雖除不領兵領兵不
滿百人并除此官而為州郡縣者皆依大條減秩石

二千石減為千石千石降為六百石自四百石降而無秩其州郡縣自各以本秩論凡板將軍

皆降除一品諸依此減降品秩其應假給章印各依

舊差不貶奪其封爵亦為九等之差郡王第一品秩

石嗣王蕃王開國郡縣公第二品開國郡縣侯第三

品開國縣伯第四品並視中二千石開國子第五品開國男

第六品並視二千石湯沐食侯第十品鄉亭侯第八品並視

千石關中關外侯第九品視六百石

○陳依梁制年未滿三十者不得入仕唯經學生策

試得第諸州光迎主簿西曹左奏及經為挽郎得仕

其諸郡唯正王任丹楊尹經迎得出身庶姓尹則不

得必有奇才異行殊勲別降恩旨叙用者不在常例

其相知表啓通舉者每常有之亦無年常考校黜陟

之法既不為此式所以勤惰無辨凡選官無定期隨

關即補多更互遷官未必即進班秩其官唯論清濁

從濁官則微清則勝於轉若有遷授或由別勅但移

轉一人為官則諸官多須改動其用官式吏部先為

白牒錄數十人名吏部尚書與參掌人共署奏敕或
可或不可其不用者更銓量奏請若敕可則付選更
色別量貴賤內外分之隨才補用以黃紙錄名八座
通署奏可即出付典名而典以名帖鶴頭板整威儀
送往得官之家其有特發詔授官者即宣付詔誥局
作詔學奏聞敕可黃紙寫出門下門下答詔請付外
施行又畫可付選司行召得詔官者不必皆須待召
但聞詔出明日即與其親入謝後詣尚書上省拜受
若拜王公則臨軒

隋書二十六卷終

聖